



PN
6267
C5118
1748
v. 8

二十二歲

孔子二十一歲始教于闕里顏回之徒皆受學焉

編年考

賈誼二十一歲作懷沙賦

編年考

東方朔上書曰臣年二十有二長九尺三寸目若懸珠齒若編貝勇若孟

漢書

賁捷若慶忌廉若鮪叔信若尾生若此可以爲天子大臣矣

董賢哀帝元壽元年封賢爲高安侯欲極其位遂以賢爲大司馬衛將軍

是時賢年二十二爲三公

前漢董賢傳

戴宏字元襄剛縣人也年二十二爲郡督郵曾以職事見詰府君欲撻之

宏曰今鄙郡遭明府咸以爲仲尼之君國小人少以宏爲顏回豈聞仲

尼有撻顏回之義府君異其對即日教署主簿

濟北先賢傳

田疇字子泰右北平無終人也好讀書善擊劍初平元年義兵起劉虞嘆

無辱命之士衆議咸曰田疇雖年少多稱其奇時年二十二矣虞乃修

禮請與相見大悅之遂署爲從事虞自出祖而遣之

三國志

司馬朗字伯達關東諸郡兵起歲大饑人相食朗收恤家族教訓諸弟不

爲衰世解業年二十二魏祖辟爲司空掾除成臯令後爲堂揚長治務
寬惠不行鞭杖而小民不犯禁

三國志

曹操征孫權苗子植守鄴戒之曰吾二十二時爲頓丘令思此時所爲無
悔于今汝今亦年二十二矣可不勉歟

魏志

隱蕃青州人逃奔入吳上書吳主曰臣聞紂爲無道微子先出高祖寬明
陳平先入臣年二十二委棄封域歸命有道蒙賴天靈得自全致臣至
止有日而主者同之降人未見精別使臣微言妙旨不得上達于邑三

嘆曷惟其已

通鑑

陳悌字孝感年二十二以兗州從事爲泰山太守忠貞練事爲世吏表
高堂隆二十二歲泰山太守薛悌署爲督郵督軍與太守爭論名悌而呵
叱隆拔劍叱督軍曰昔魯定受侮仲尼歷階趙彈秦箏相如進缶臨君
命臣義之所討也督軍失色悌驚起止之

編年考

石崇字季倫渤海人年二十二爲陽城太守伐吳有功封安陽鄉侯領南

蠻校尉

編年考

溫子昇字鵬舉初為廣陽王客作侯山祠堂碑文常景見而善之曰溫生

是大才士年二十二射策補御史歷中書舍人散騎常侍王師業云子

昇足以陵顏轅謝舍任吐沈

北史

孫該字公達任城人年二十二上計依章叔嫌作該字公名為郎中著

魏書遷博士司徒左長史

萬姓統譜

陸齊望官至秘書少監年二十二階貂蟬

嘉興府志

釋智操姓張氏年二十二喪親染疾經歲月醫藥無効夢神就操身次第

吸嗽三夜稍痊後遂受道

搜神記

布毛侍者年二十二以六宮使辭官出家

武林梵志

王溥年二十二狀元及第

醵聚

按葉夢得石林詩話載王仁裕知貢舉

王溥取狀元年二十六後六年遂相周世宗年三十二正相符合葉說

為是也

詹曠字存孝縉雲人大中祥符元年舉進士第一人真宗御書榮桂二字
賜之時年二十二官至大中大夫翰林學士致仕性嚴重于適中第歸

省踰期拜庭下久不顧命去袍笏杖之曰勿以一第縱忽也二子俱以

孝聞

處州府志

范仲淹年二十二歲讀書長白山僧舍日作粥一盂分爲四塊早暮取一

塊斷齏數莖入少塩以啗之如此者三年

東軒筆錄

蘇軾年二十二赴禮部試見知于歐陽公曰此我輩人也吾當避之

年譜

又上韓太尉書軾生二十有二年矣自七八歲知讀書及壯大不能曉習時事獨好觀前世盛衰之跡與其一時風俗之變自三代以來頗能

論著

本集

黃魯直午寢時投書曲肱卧天遊從所之今之隱几者豈有異于綦廼知

大夢覺蓋此德之歸誰謂今日是二十二年非

事文類聚

程明道年二十二作定性書

本傳

賈安宅字居仁烏程人年十八入太學二十二廷試狀元及第建元中爲

給事中封駁無所顧忌歷仕三朝累司文柄貢舉得人徽宗嘗手詔獎

諭之

湖州府志

朱子年二十二仕七十致仕中間五十年歷事四朝然官不過待制在外者九考立朝則四十日而已

李腔峒朱子實錄序

胡敦詩字可與靖安人紹興八年進士年二十二與海昏劉氏爲姻不數年劉頗貧既登第劉請離婚敦指日爲誓未幾廣帥陳橐過南昌欲妻以女敦詩力辭竟締劉盟明年除廣州清遠簿橐雅敬之留幕中舉裴寬劉寧事相激勉或謂之曰坡仙劉廷式事引羊叔子爲證且曰功名富貴人也子其是矣敦詩正色曰東坡書事特薄俗耳夫婦三綱之首安計富貴乎聞者賢之

西江志

原妙號高峯出家爭慈寺立三年死限學禪年二十二請益斲橋倫晒鱗徐達鳳陽人世業農生達而少有大志好武事二十二歲聞高祖起兵仗節往從之一見語合帝大悅曰此國器也授以上將戰必勝攻必克滅

陳友諒擒張士誠掃合一統成開國勳封中山王

綱年考

劉基字伯溫自幼聰敏熟春秋左傳二十二歲讀書于山中忽一日崖豁二小門基卽趨入見石壁上有七大字云此石爲劉基所破伯溫喜曰

此乃天意遂以巨石槌之折裂得石函中兵書四卷郎懷而出其石復合矣歸熟讀未得旨趣乃歷遊深山訪異人遇一老道士傳授旨要舉元進士不仕後佐明太祖定天下封誠意伯編年考

方孝孺與鄭叔度僕奉先人之遺傳二十有二年學雖未至而知其味者已數年矣而身不能由之口不能以告乃徒假紙筆爲事宜乎吾子之以文稱我也從今而後其知過乎遜志齋集

程通字彥亨績溪人性至孝慷慨有大節讀書過目不忘下筆立就數千言洪武乙丑時年二十二領鄉舉入太學明年聞父客歿于外哀訪至吉安得之奉以歸墓廬三年後以祖遠謫陝西上表乞釋之語甚哀至上憫其情釋歸田里列朝小傳

柴伯巨字居升寧海人好讀書年二十二有名鄉黨選爲縣學弟子員陞太學尋授平遙縣宰洪武九年星變求直言巨伯郎爲書言事曰分封太侈也求治太急也用刑太繁也語皆切直忤上意詔繫刑曹終編年周忱偶中錄序洪武壬午予春秋二十有二其年春郡守朱侯仲智以歲

爲大比取郡庠弟子員之可試秋闈者預達名于藩府而泰在其列
先祖遺安公誠之曰今汝學未充而急求試或可饒倖于場屋中然少
年從仕無成學定識以致于用他日之悔寧有及乎其速辭務益勉于
學踰此三科而後就試未爲晚也余敬受教而辭西江志

孔鏐字貞伯永樂六年以儒士中山東鄉進士時年二十有二明年會試
禮闈擢乙榜第一後仁宗召見曰孔鏐年少俊偉未幾春坊闕曰着孔
鏐放教諸皇子賜第宅一區及噐皿諸物師道嚴正一無所阿闕里志
金祺字崇原麗水人父忠謫戍遼陽祺年二十二上疏乞代不允聞父喪
徒跣扶柩歸里以孝稱登成化甲辰進士授知合州有殺一家六人者
獄經七年不決祺承檄是夕夢老嫗拜橋下指刀處明日水中得刀出
示罪人驚服人謂異政處州府志

商少保輅字弘載正統乙卯領解浙江乙丑爲會試廷試第一人士林艷
羨商公年二十二發解十年而成進士而以修撰入閣七年而以兵侍
歸十年而復入入十年而以少保歸又十年乃卒尤爲奇也皇明盛事

劉吉博野人刑讓襄陵人俱年二十二中正德戊辰進士未娶三元考

程敏政字克勤號篁墩休寧人年二十二時以神童薦召爲翰林院秀才

太學士李賢以女妻之舉順天鄉試第二名中成化丙戌榜眼三元考

李廷相字夢弼年二十二中弘治壬戌探花累官戶部尚書謚文敏三元考

王守仁二十二歲試南宮下第宰相李西涯素器先生戲曰待汝作來科

狀元試爲來科賦先生拈筆而就王陽明先生年譜

王言弘農人唐鵬丹徒人俱年二十二中正德戊辰進士俱未娶三元考

陳昌積泰和人字子癸年二十二中嘉靖元年江西解元戊戌成進士

谷宇齡字道延號龍崖年二十二中嘉靖乙酉河南解元三元考

羅洪先二十二嘉靖乙酉舉于鄉念庵先生行狀

唐順之字應道號荆川年二十二中嘉靖己丑會元廷試二甲第一授主

事入翰林以忤旨罷歸三元考

魯邦彥字朝選年二十二中嘉靖己酉河南解元庚戌進士十三名三元考

陳法南海人年二十二中嘉靖乙丑進士未娶三元考

陳東鄆縣人年二十二中嘉靖己丑進士未娶 三元考

張希舉字直卿年二十二中嘉靖丁酉江西解元辛丑進士 三元考

楊一第字及甫少負異質淹貫典墳年十三遊芹食糧以歲貢授湘鄉訓

隆慶庚午嘗修郡志子二儀字學易慧性敏才早登郡庠年二十二領

萬曆丁酉鄉薦九工詩賦凡名山勝境悉有品題所著有寓寓吟行世

人謂其有李杜風情天不假以年而未竟其用耳 零陵縣志

隆慶戊辰南宮進士四百人而行年二十有二者六人鄒國材陳汝新聶

子實華起龍張擇民與予也擇民最少官最達廼擇民四十有七而歸

田五十三而卽世矣 李御史維楨張公墓碑

張潛濟南人年二十二中嘉靖戊戌進士未娶 三元考

孫鋌字文和號正峰孫陞子也年二十二中嘉靖己酉順天解元癸丑進

士仕至南京禮部侍郎 三元考

桑悅字民懌蘓人會試春闈有得中有長劍一日幾回磨爲晏汝賢所黜

又作學以至聖人之道論有我去而夫子來爲邱仲深所黜今年得乙

榜年二十二用新例命爲泰和訓導李東陽送詩曰十年三度試春闈
親見聲名滿帝畿甲第久懸唐李仰奇才終誤朱劉幾

西涯集

羅達夫二十二歲領鄉薦嘉靖八年登進士第一授修撰雖在宦途留心
性學一日閱楞嚴經得反聞之旨遂覺身在太虛視聽若寄世外忽自
省曰悞入禪也乃求諸孔孟與同郡鄒文莊諸同志切劘無虛日

編年

姚堂字彥容二十二舉進士拜虞衡司主事累知蘓州忤巡撫劉孜移鎮

江蘓民擁轍脫履懸郡門謠曰雙木作篙不如一搖士林誦之有仙歸
白璧原無玷移去寒梅不改香之句及治鎮一如治蘓三典名郡皆著

異績

寧波府志

莫內翰儔二十二狀元及第

朝野雜記

林大欽年二十二中狀元

皇明盛事

鄒學柱字國材餘姚人隆慶進士年二十二授溧陽知縣巨蠹召祚者夙

爲民患學柱訪得之卽置之法又雪王寡婦冤人稱年少包羅

紹興府志

徐可大年二十時遇黃冠道士云好箇舉人但榜首未生耳可大聞之甚

怒及萬曆庚子中試榜首張文星亦同里人年二十二歲追昔榜首未

生之言始信道士爲仙也

貴州通志

方授字子畱戊子元日詩二十江淮已問津蹉跎又負兩番春論年深愧
懸珠日書子終當荷鍾身桐樹葉生知錯閨荔枝粉見嘆迎新辛盤每
怯他鄉味不盡屠蘇憶老親

龍眠風雅

鄒逢吉字五從少穎異善屬文年二十二中天啓甲子鄉試崇禎丁丑進
士任山東臨海知縣報最擢兵科給事甲申死節作絕命詞曰碎首剜
心從聖王英魂厲鬼殺狂奴命帶一棺自題明給諫鄒逢吉之柩字畫
首勁從容仰砒而卒年四十有二

湖口縣志

王咸熙石首拔貢生明李賊驚母鄭氏病篤與兒訣兄避兵以存宗祧弟
侍母以盡子職母卒賊至伏屍號痛賊詫爲孝子戒勿犯初熙父憂冥
官曰熙壽止二十二歲熙病寐中見天降赦書有增年二字病旋瘥壽
至五十二人謂孝感石首縣志

冉衢巫山人增廣生因父冉希堯病篤割股衢年二十二歲病故其妻守

節十年亦卒有旌曰節孝之門 夔州府志

正元十二年人

官曰縣志二十二歲縣志中具天利建是骨節平二字錄錄

計母以子難狀卒類至外銀錄錄類錄錄錄錄錄錄錄錄錄錄

王以烈卒首赴度里田李類錄錄錄錄錄錄錄錄錄錄錄錄錄錄

所經道釋時而卒年四十一有二 應口縣志

小發至王英縣里選至其會市一射自顯則錄錄錄錄錄錄錄錄

士計由東到縣錄錄錄錄錄錄錄錄錄錄錄錄錄錄錄錄錄錄錄錄

中發至王英縣里選至其會市一射自顯則錄錄錄錄錄錄錄錄

赴時戰和不盡風錄錄錄錄錄錄錄錄錄錄錄錄錄錄錄錄錄錄

錄錄錄錄錄錄錄錄錄錄錄錄錄錄錄錄錄錄錄錄錄錄錄錄錄錄

衣於子而赴于次日結二十五節曰用事親親父負西番金平

貴族錄志

中結錄錄錄錄錄錄錄錄錄錄錄錄錄錄錄錄錄錄錄錄錄錄錄錄

二十三歲

孔子二十三歲問禮講學綱年考

陳勝字涉汝南陽城人二十三歲與人傭耕歎曰苟富貴無相忘也傭者

笑涉曰燕雀安知黃鵠之志哉秦二世發閭左戍漁陽勝度失期法當

斬乃會陽夏吳廣舉事勝自立爲王號張楚豪傑響應卒以亡秦綱年考

鄧禹二十三歲拜前將軍綱年考

杜孝已郡人二十三歲役于成都因母喜魚截竹筒盛魚塞以草祝而投

之江中孝妻出渚見竹筒橫來觸岸異而取之視有魚笑曰必我夫所

寄因以進姑綱年考

范丹字史雲外黃人好爲矯激之行二十三歲累辟不就賣卜于市綱年考

仇覽字季智一名香考城人二十三歲邑令王渙慕其賢署爲主簿尋謂

覽曰枳棘非鸞鳳所栖百里豈大賢之路乃以月俸具裝遣入太學同

郡符融與覽語曰融與君同郡壤接今京師英雄四集志士交結之秋

雖務經學守之何固覽正色曰天子修設太學豈但使人遊談其中高

揖而去後融以告郭林宗林宗與融齎刺謁之遂請留宿林宗嗟歎下
牀爲拜綱年考

駱統字公緒孫權領會稽太守統年二十三試爲烏程相民戶過萬咸稱
其惠權嘉之浙江通志

崔琰字季珪少樸訥好擊劍尚武事年二十三鄉移爲正始感激讀論語

韓詩三國志

阮咸字仲容陳留人與從叔籍居道南而諸阮居道北北阮富而南阮貧
咸與籍任達好酒妙解音律山濤獨重之曰清真寡欲若在典選必妙
絕咸二十三歲濤薦爲吏部郎嘗七月七日北阮盛晒衣皆羅綺仲容
以竿掛犢鼻褌于中庭或怪問之答曰未能免俗聊復爾爾綱年考
裴君字元仁支子元授神訣五首精思行之常處隱室乃服食茯苓餌卉
醴華腴積十一年夜視有光嘗能不息從旦至中年三十三本郡命爲
功曹不就後伐匈奴封睢陽侯雲笈七籤

張纘字伯緒年二十三累遷尚書吏部郎時人以爲早達後爲吳興太守

省煩苛務清爭人吏便之類書纂要

張緒字思曼自少知名清簡寡欲年二十三叔父鏡比之樂廣善立談聽者怠倦口不及利有財輒散之或竟夕乏食門人見緒饑時爲治具然未嘗求也武帝嘗植柳靈和殿前賞玩良久曰風流可愛似張緒當年編年考

劉義康二十三歲爲司徒錄尚書事編年考

劉休仁二十三歲爲司徒尚書令編年考

陶弘景年二十三除巴陵王侍郎明年侍從高祖登極還臺在殿內除太尉豫章王侍郎不拜雲笈七籤

峽州刺史王當有女令袁天罡擇壻嫁姚元崇時崇年二十三好射獵未知讀書時人笑之母勸令讀書折節向學以晚節入仕至宰相類書

嚴武年二十三爲給事黃門侍郎范攄雲溪友議

柳子厚云僕年二十三自御史裏行得禮部員外郎超取顯美錦字箋

獨孤申叔年二十三用博學宏詞爲校書郎韓昌黎集

韓昌黎上賈涪州書愈年二十有三讀書學文又十五年言行不敢戾于

古人愚固民民不能日計周流四方無所適歸本集

周禮端曰徐安國自言年二十三十四時戲假爲韓愈與大顛師書今悔之

無及韓昌黎集

杜伏威二十三歲拜東南道大行臺吳王編年考

瀉山禪師靈佑年二十三遊江西叅百丈海禪師悟明心法五宗綱紀

范仲淹年二十三歲詢知世家感泣去之入南都學舍掃一室晝夜講誦

其起居飲食人所不堪而公自刻益苦年譜

王十朋年二十三歲見朝廷艱虞心懷忠憤每發于詩歌王忠文公年譜

李觀與孫寺丞書觀年二十三身不被一命之榮家不藏擔石之穀雞鳴

而起誦孔子孟軻群聖之言纂成文章以康國濟民爲意餘力讀孫吳

學耕戰法必備朝廷犬馬驅指本集

蘓子由年二十三與子瞻奉制策寓居懷遠驛是年十二月子瞻赴鳳翔

任與子由別馬上賦詩蘓東坡感舊詩序

徐鹿卿年二十三時得胡忠簡公銓斥和議書讀之竦然起敬持姓名質于長上曰此廬陵澹庵先生也因告以生平出處之詳服膺至今嘉定間分教橫浦乃獲敬讀公詩文而觀其遺墨未幾得識公之孫叔軫兄弟方有大名于時必將成忠簡之志使洛都復入職方徐鹿卿題胡叔盧襄西征記予欲長遊遠睇窮極天下壯麗奇偉卓絕之處南窮滄浪北抵幽都東折若木之枝西奄濛汜之谷頂摩太清轍環八埏以助夫造物所以與我者生抱此志二十三年矣名山記

梁賢植梁之德賢植年二十三之德則長一歲隆興甲申四月同遊都嶠山攀蘿而上樹有一杵如人食其半者取而分啗之味異常比歸不粒食容色紅潤大異昔年辭家遊蜀莫知所終廣西通志

梁內翰灝張舍人孝祥王尚書佐中狀元時皆年二十三朝野雜記

桑維翰字國僑河中人形容醜怪身短面長常臨鑑自竒曰七尺之軀不如一尺之面二十三歲舉進士主司以桑喪同音故輟之或勸以改圖翰鑄一鉄硯示人曰硯敝則改爲他仕又著日出扶桑賦以見志編年

習古襄大定初從謀衍討契丹戰于長深襄先登七戰皆勝足中流矢裹創而鬪奮氣愈厲謀衍握其手今日之捷皆公力也賊走逼及之賊復

大潰論功第一特授亳州防禦使時年二十三

金史

耶律鑄字成仲楚材子嗣父領中書事時年二十三上言宜疎禁網遂採

歷代德政合于時宜者八十一章以進從憲宗征蜀屢出奇計攻下城

邑

元史

常遇春濠州懷遠人年二十三當元之季領眾來從高祖請為前部先鋒

挺戈拔采石乘勝取太平始受軍總管統帥率兵旌麾所向無不克捷

享年四十而終封開平王謚忠武

衢州府志

湯和字鼎臣濠人與高祖同里閭少孤卓越有奇志身長七尺餘多力善

射二十三歲從高帝渡江下采石定太平封信國公享年七十謚襄武

編年考

王璉長山人器局沉凝學問精密師事宋濂年二十三中山東解元至京

召見試詩擢史館編修入文華堂上謂近臣曰文華堂諸生如王璉等

皆異日將相才也

三元考

方孝孺答鄭辨書昔與足下論斯道時僕年方二十三固已知吾道之有餘而無待于外物時不知者多竊笑之迄今十有五年愈覺聖人之訓爲不我欺而舉天下之道術果無以易之也

遜志齋集

鄭阜義字公宜鄞縣人二十三歲時南京會試有豐城監生張鸞云藩府聲名重邦家氣象新行年逢八九天地一閱身又云之子青年氣不凡九重深處受恩覃如今若得之官去半世功名正在南永樂十年舉進士上親選方面問蹇義小秀才寫兩名來當除鄭山東叅政張鸞廣東叅政次日又問兩箇秀才那個有學問蹇以鄭對卽調鄭廣東張山東後鄭任十七年甫四十歲卒其定命如此

寧波府志

朱應登字升之舉進士年經二十三歲是時顧華玉輩稱江南三才子升之

後出遂與齊名

列朝小傳

施槃字宗銘幼警敏異常見隨父遊淮揚王羅鐸家有都憲張某來鐸命其子與槃偕見張令屬對曰新月如弓殘月如弓上弦弓下弦弓槃應

聲曰朝霞似錦晚霞似錦東川錦西川錦張大奇之鐸命其子同學給
資費正統戊午己未聯第廷對第一授修撰年甫二十三讀中秘書立
程度擬古人詩文楊文定溥深重之蕪州府志

王鏊字濟之號守溪年二十三中應天解元五策皆刻鏊墨卷不易一字
時稱得人中乙未會元探花鏊以鄉會元有盛名對策復當第一閣老
商公抑之置第三仕至武英殿大學士謚文恪三元考

于謙二十三歲登進士拜江西道監察御史風骨秀峻音吐鴻暢每奏對
宣廟前上必為傾聽是時顧端肅公佐掌臺事其御寮屬甚嚴而獨才
謙以為己弗如也錢唐縣志

徐有貞字元玉初名珪生而短小精悍慷慨有當世志從吳訥學益進與
見祭酒胡儼儼初易之使賦一詩援筆立就儼不覺躍起曰此鼎鉉器
也宣德壬子中順天鄉試年二十三明年登進士授編修以復辟功封

武康伯蕪州府志

朱希周字懋忠號玉峰年二十三中弘治丙辰狀元三元考

皇明盛事作

二十四並存之

劉龍山西塞垣人字舜卿年二十三中弘治乙未探花鄉試第二名官至兵部尚書謚文安祖絜鄉試第四名副使父鳳儀鄉試第四名子承恩鄉試第二名皆得魁而不得元亦有數也三元考

甯鎬字鉄山少服牛而耕牛不受服潞水汙公衣襟公不勝忿謂丈夫安可與老農伍執牛鼻剔去之始從學于伯兄厥時年二十三矣逾年補弟子員登正統己卯鄉舉任處州別駕不畏強禦毛伯溫贊曰人言君身如鉄山我謂君心如山鉄山鉄之剛猶可移君心之剛不可折蘇州志

戴冠信陽人年二十三中正德戊辰進士未娶

三元考

張惟一字守中年二十三中嘉靖乙酉順天解元戊辰進士二甲一名同

胡汝霖字仲望年二十三中嘉靖甲午四川解元乙未進士三元考

倫文號警軒年二十三中嘉靖癸卯廣東解元壬戌進士三元考

王肇林字梅芳號小真年二十三中嘉靖壬子山東解元乙丑進士授主

事三元考

周鑑字子明號霽川年二十三中嘉靖壬子陝西解元癸丑進士三元考

習孔教字時甫號豫川年二十三中嘉靖戊午江西解元戊辰進士三元考

黃才敏字爾懋號心齋年二十三中嘉靖戊午福建解元乙丑進士三元考

楊沂字子與號魯南年二十三中嘉靖戊午四川解元戊辰進士累官鳳

翔知府三元考

王家棟字惟隆號吉山年二十三中嘉靖甲子浙江解元甲戌進士三元考

凌登瀛字元學號二洲年二十三中隆慶庚午浙江解元丁丑進士三元考

周之璿字敬可山陰人生而樸淳讀書彈琴之外無他好也年二十三從

劉戢山講學于澄人書院與祝開美交相質難及戢山絕食盡夜侍左

右設謀室于場時世大亂負戢山像及遺書而逃周恤綦曰聖賢真傳

莫如先生先生死于國難先生遺書得之璿而有先生後人得之璿而

後安紹興府志

華愛字仁卿鄞人甫成童輒博識強記志甘苦于學年二十三舉于鄉甲

戌進士授主事出守桂林所至樹有勛績直道忤人被劾落職寧波府志

韓都憲雍初授御史年二十三巡撫江西藩臬諸司多玩視之至日郎具
疑事數十條請決公覽畢郎條達衆皆驚服平兩廣所向走捷號稱神
明瑣綴錄

李敏肅公世達二十三歲登嘉靖丙辰進士歷官至太子少保前後入銓
司黜陟品藻人群百不失一會大計當事者拱手聽裁郎見斥者無不
心服以去公每搜揚側陋薦進之往往從田間躋華廡列卿貳銓局之
公流聞宇內前後所未有也

編年考

呂文簡公構字仲木陝西高陵人資性穎悟未總州入縣學郎志聖賢之
學危坐朗誦小屋中祁寒酷暑不踰戶限二十三歲中鄉試爲康對山
門生尋登進士廷對第一授翰林修撰以十三事自陳忤旨謫解州判
官攝行州事民俗士習翕然改觀內陞士民哭送河干者數千人陞南
禮部左侍郎致仕歸卒年六十四是日有雷火日食之變及夕有大星
隕于華陰百姓爲罷市者三日計聞上爲輟朝一日賜諭祭命有司營
壙

編年考

羅舜臣以鄉貢有聲場屋間明年上禮部得乙榜年二十三拜青田縣教諭以成績告擢陞安慶府教授又以績告內遷助教西涯集

彭華董祀唐順之俱二十三中會元

皇明盛事

王慎中二十三歲典廣東主試錄文甚佳取林大欽爲鄉魁明年大欽卽

登進士第一甲一名編年考

顧敷字祖根仕至著作郎年二十三卒顧愷之家傳

趙若煥字堯章宗室子年二十三值國運草賦草之茂三章援琴而歌與箕子麥秀同悲著書甚多嗜酒不至醉令人歌歸去來辭自吹洞簫以和之年八十六卒西江志

王虛之字文靜年十三喪母二十三喪父三十五年塩酢不入口疾病着牀忽有一人來問疾曰君病尋瘥俄而不見病果尋瘥庭中楊梅樹隆冬生實人咸以孝感所致萬姓統譜

張嘉以儒術節義自負與李茂爲友祿山叛詣闕上書補叅軍有功年二十三卒唐書

岳雲飛子也每立奇功飛輒隱之能握鉄椎重八十斤死年二十三

西漢

晁東吳字叔泰翰林璞子幼負奇質弱冠登進士選翰林庶吉士在館中相剴切必曰強學慎行宰相以下折節與交比之黃叔度云咸以爲公輔不足爲而得年二十三上書移疾歸遂以其年冬困篤父璞集其遺文名曰識痛錄

萬姓統譜

周健本姓吳年七歲父貧鬻健周襄家冒周姓襄携幼子與甥飲壻家健引炬而前俄有盜挾兵持火尾之詰襄襄知爲賊不對賊怒滅火手中襄右股拔刀揮襄於地甥子潰走健直前手執賊奪刀挿泥淖中兩斷指賊怒撫襄梓健健與抱持襄遂得脫賊不勝忿亂砍腸胃流出旣絕復甦猶呼襄所在強起創劇僕會襄率人來援掖歸見襄與子甥俱無恙因食糜盤許而死健時年二十三

蘓州拾遺

二十四歲

項籍字羽初起時年二十四 本紀

漢文帝二十四歲詔賑窮養老之令年八十以上賜米肉九十以上賜帛

各二疋絮三斤合四方勿以異貢來獻 編年考

霍去病二十四歲為大司馬 編年考

鄧禹字仲華年二十四歲封鄧侯 山堂肆考作梁侯

管寧字幼安臨胸人二十四歲與華歆共鋤菜見地有金寧揮鋤與瓦石

不異歆捉而擲之人因辨其優劣嘗同席讀書有乘軒冕過門者寧讀

書如故歆廢書而看寧乃割席分坐曰子非吾友也 編年考

孔融薦禰衡表處士禰衡年二十四歲淑質貞亮英才卓犖初涉藝文升

堂觀奧目所一見輒誦于口耳所暫聞不忘于心性與道合思若有神

文選

周瑜授建威中郎將時年二十四恩信著于廬江吳中呼為周郎 三國志

虞松字茂叔弱冠從司馬宣王征遼東作檄及露布既還宣王辟為掾時

年二十四遷中書郎遂至太守

世說

陸機年二十四入洛

本傳

王戎少穎悟年二十四爲吏部郎

山堂肆考

王濛二十四歲以帽敗入市買之嫗悅其貌美遺以新帽濛性放縱嘗覽鏡自照稱其父曰王文開生如馨兒耶與沛國劉惔齊名友善稱濛性至通而自然有節濛每云劉君知我勝我自知

編年考

胡威字伯武淮南壽春六二十四歲父質任荊州刺史威往省之質賜絹一疋威曰大人清高何復得此曰是吾俸祿之餘威乃受之省同宿問曰卿清何如父清威曰臣不如父遠甚帝曰何以見之威曰父清畏人知臣清畏人不知是以不如也

編年考

祖逖字士穉與司空劉琨俱以雄豪著名年二十四與琨同辟司州主簿

晉陽秋

周處字子隱陽羨人魴之子膂力絕人不修細行年二十四鄉里患之處問父老曰今時禾歲豐而人不樂何耶父老歎曰三害不除何樂之有

處曰何謂也曰南山白額虎長橋下蛟并子爲三矣處曰若思止此吾能除之乃射虎殺蛟改行礪志從機雲受學期年州府交辟

編年考

孟嘉字萬年江夏人少有名望二十四歲庾太尉亮辟爲從事亮嘗大會客豫章守褚裒至聞曰聞孟從事皆在此否庾曰在坐卿自求之褚盼

編年考

眄良久指嘉曰此君小異得無是平庾大笑于是旣嘆褚之精識又忻嘉之見賞後穆帝慕嘉召見以足疾不任拜起使人扶入其推重如此

慧遠年二十四便就講座嘗有客聽講難實相義往復移時彌增疑昧遠

乃遠引莊子義爲逆類于是惑者曉然於是後師安公特聽慧遠不廢俗

書安有弟子法遇雲微皆風才灼灼志業精敏並推服焉

搜神記

慧能姓盧氏新州人流移南海鬻薪供母年二十四聞人誦金剛經至應無所住而生其心有省乃參五祖忍大師便就舂米之後一日會眾傳法弟子神秀爲偈書壁間曰身似菩提樹心如明鏡臺時時勤拂拭勿使惹塵埃能不識字聞人誦之乃爲偈請人書其側曰菩提本無樹明

鏡亦非臺本來無一物何處惹塵埃忍見之遂傳于能

神宗志

劉義康無學術封彭城王嘗問袁淑年答曰鄧仲華弭袞之歲又曰陸士

衡入洛之年義康曰身不讀書無作才語見向

韵會

王錫字公叔幼而穎悟以屬對封永安侯累遷吏部郎中時年二十四稱

疾不拜

南史

文中子王通隋仁壽二年奏策于太極殿年二十四

續元經

唐太宗述聖賦序朕年二十有四慷慨京邑電發中原震蕩山川掃清八

荒

文苑英華

栢良器字元亮父友王渙見曰汝額文似臨淮王面黑子似顏平原殆能

立功乃薦之李光弼年二十四更戰六十二封平原郡王圖凌煙閣諱

嚴武年二十四為東西川節度使按雲溪友議年二十三為黃門明年

應旄西蜀年二十四也杜甫集廣德二年武為東西川節度使

李觀字元賓年二十四舉進士三年登上第舉博學弘詞得太子校書一

年二十九卒

韓昌黎集

元稹年二十四試判入四等署秘書校書白居易元公墓志

白居易新豐折臂翁詩是時翁年二十四兵部牒中有名字夜深

人知偷將大石鎚折臂張弓簸旗俱不堪從茲始免征雲南首碎筋傷
非不苦且辭揀選歸鄉土長慶集

韓昌黎作連理木頌時年二十四本集

李存勗二十四歲襲爵晉王時梁王兵久圍潞州晉王與諸將謀曰朱溫

聞吾新立以為童子未閑軍旅必有驕怠之心若簡精兵倍道趨之出其不意破之必矣取威定霸在此一舉遂率兵大破梁兵梁主聞之驚

歎曰生子當如李亞子克用為不亡矣吾兒豚犬耳編年

富弼問邵伯溫年幾何娶未對曰年二十四未娶公曰吾年二十八登第

方娶宋志

范仲淹年二十四以朱說名舉進士第一年譜

天聖八年歐陽修二十四試禮部第一御試崇政殿甲科第十四名同上

宋祁筆記云余少為學本無師友家貧苦無書習作詩賦未始在志立名

于當世也年二十四以文投故宰相夏公公奇之以爲必取甲科吾亦不知果是歟天聖甲子從鄉貢試禮部故學士劉公嘆所試詩賦以爲諸生冠吾始自重淬勵力于學模寫有名士文章諸儒頗稱以爲是繼王十朋年二十四歲邑建新學公作縣學落成詩一百韻頌其事年譜蘇子瞻年二十四中制科類聚按年譜是歲侍老蘓適楚南行某序云己亥之歲侍行適楚舟中無事雜狀有觸於中而發于咏嘆蓋家君之作與弟轍之文皆在謂之南行集

孫昭遠字顯叔幼警敏力學善屬文年二十四登元祐進士第時策問首及熙豐凡不主新法者皆在末甲公其一也各臣言行錄

陸游縱筆詩讓老添髮好年少二十四歲作三公劍南集

楊時年二十四登徐鐸榜進士年譜

劉子羽字彥修年二十四五時佐父忠顯公守越以羸卒數百破睦寇方

臘數十萬衆卒全其城朱子大全集

李侗字愿中劍浦人幼而穎悟少長孝友謹篤年二十四聞郡人羅從彥

得河洛之學于楊時之門遂以書謁之從游累年從彥好靜坐伺退入室中亦靜坐從彥令靜中看喜怒哀樂未發前氣象求所謂中者久之于天下之理該攝洞貫以次融貫各有條序

宋史

朱元晦年二十四受業于李延平伺之門延平于其父爲門友先生歸自

同安不遠數百里徒步往從之

本傳

楊樞密礪蘓叅政易簡本尚書待問中狀元年皆二十四

朝野雜記

吳子良字明輔號荆溪寶慶二年進士官至湖南運使幼從陳實憲游年

二十四登葉水心之門水心稱其文意特新語特工韵趣特高遠雖昔

之終以文名世者不過如是何止超越流輩哉著有荆溪集

臨海縣志

趙世延字子敬至元中按雲南按察判官年二十四烏蠻叛以軍討之蠻

軍大潰請降擢監察御史

雲南通志

姚燧二十四始讀韓退之文試習之人謂有作者氣

元史

盧巨字彥威汲郡人幼穎悟日記數千言自經傳史漢諸子皆成誦工詩

一時名流多宗尚之元貞間以擬滕王閣記受知姚牧菴薦爲國史院

編修時年二十四遷應奉翰林嘗著藏書記云余少年輕脫不樂沉靜
狀天日晴淑時人書室巡架而視抽所喜讀書按文疾讀較之他人章
分句析而余數十卷已過目矣雖不能窮神入妙而欣狀會心畧無滯
礙至不喜讀者雖世共指爲切要而余未嘗一過目焉

彥威集

商挺字孟卿年二十四汴京破北走東平嚴實家聘爲諸子師世祖在潛

邸聞其名徵至間陪燕語累知叅知政事

元史

吳公達字致中年二十四中洪武辛亥開科探花官至刑部尚書

三元考

陳思禮七歲父沒母石氏以節自守夙夜勵思禮以學母年五十五卒思

禮被髮衽社操刃自脛家人奪之環守共譬解之服闋入郡庠從明師

期以科第起家見諸事功踰四三年思禮二十四矣初母爲訂配石氏

至是欲成婚思禮掩耳不答

朱文憲公集

侍御清江張公鐸以進士巡閩宣德初督銀場于寧德崇禮學校常堂試
諸生品高下優獎賞士皆爭奮政暇與士夫觴咏往來不計勢分常拓
學地築池架亭曰觀瀾又建閣修齋廡鑄鐘鼎造祭器百度一新時年

甫二十四少年有爲寧人至今頌其功

閔山振仰山座錄

杜寧字宗謐天台人年二十四中宣德丁未榜眼仕至南禮部侍郎

三元

羅通字學古吉水人二十四歲登永樂壬辰進士授監察御史改戶部員

外郎久之坐法免徙南還赦歸睿皇帝北陌舉將畧擢右副都御史守

居庸時也先脫脫不花王阿噉知院三萬騎逼居庸甚急通飭將士宵

矢石固守不下追趨紫荆通選兵追敗之遂出長安嶺中外始定捷聞

加太子少保右都御史賜璽書獎諭焉通在居庸得異人授以遯甲諸

書習之虜寇居庸望烟雲草木若數萬人狀者吁奇至哉

世名

潘琴字舜絃性警敏早遂經學博極史籍爲文典則有古風二十四舉正

統丁卯鄉薦

處州府志

魏校字子才生而穎異讀書一目四行弱冠中弘治乙丑進士廷對擬第

一上閱策有親宦官宮妾語動色置二甲授南京刑部主事移疾歸講

學星溪之上年二十四始聞胡敬齋之學奮狀以明道爲已任從游者

嘗百餘人

蕪州府志

張世衡字平仲泰興人年二十四中弘治辛酉廣東解元三元考

潘大賓字欽之年二十四中正德己卯廣東解元己丑進士給事中同上

周昂真定人性孝友喜名節學術醇正文章高雅一時名儒皆師尊之年

二十四擢第累遷三司官爲人所擠謫東海後召入翰林言事愈切出

佐三司一統志

施侃字邦直年二十四舉鄉試南宮不利者十五年深藏靜定博觀經史

凡陰陽律呂兵卜奇秘無不鈎勘有得輒書于冊與山人孫太初遊有

菁陽集登嘉靖丙戌進士萬姓統譜

袁袞字永之號胥臺年二十四中嘉靖乙酉應天解元丙戌進士二甲一

名三元考

葛守禮字與立號與川年二十四中嘉靖戊子山東解元己丑進士仕官

宮保尚書諡端肅三元考

張孚敬字茂恭原名聰年二十四舉于鄉數上禮部不利又二十年而戊

進士世宗入繼大統因上所著或問二篇上大悅拜翰林學士明年輔

政權震一時 通志

楊慎二十四歲會試第二殿試第一及第制策援史融經敷陳弘劉讀卷

官李東陽劉忠楊一清相與稱曰海內地負大放厥辭共慶朝廷得人

授翰林修撰 編年考

畢烜廣東番禺人年二十四中嘉靖壬辰進士 三元考

楊名宇實卿遂寧人年二十四中嘉靖戊子四川解元己丑探花編修上

言正君德數事廷杖爲民 三元考

宋良裘字進之年二十四中嘉靖丙午廣西解元丁未進士 三元考

劉伯燮孝感人字元甫號小鶴年二十四中嘉靖乙卯湖廣解元戊辰進

士仕至按察 三元考

李學一字萬卿號文軒年二十四中嘉靖戊午廣東解元戊辰進士至苑

馬寺卿 三元考

陳謹字德言號環江年二十四中嘉靖癸丑狀元 三元考

薛亨字正行號通衢年二十四中嘉靖辛酉陝西解元辛未進士仕至布

政三元考

黃洪憲字懋忠號葵陽年二十四中隆慶丁卯浙江解元辛未進士累至

侍讀掌院三元考

朱希周楊慎俱年二十四中狀元皇明盛事

項泓字德容麗水人由歲貢任德興訓導年二十四始發憤讀書志堅質

魯跪燈警省每對月默誦史鑑後學宗仰處州府志

陸公容太倉人少美丰儀二十四應天順三年鄉試南京館人有女善吹

簫夜奔公寢公給以有疾期之後夜女退陸公作詩云風清月白夜窻

虛有女來窺笑讀書欲把琴心挑一語十年前已薄相如遲明托故遷

寓是秋遂膺鄉薦編年考

林有望年二十四聯捷登第由兵部職方陞四川兵備道嚴分宜擅權有

望抗疏者三遂乞歸有餘銀十萬仍貯庫內可之曰海剛風再世

浩然歸里兩袖清風詩歌淡泊以終廬州府志

郭璉二十四歲爲布政司叅議編年考

陳瀾年二十四中會元

皇明盛事

侯恪字若木年二十四登第不肯仕更讀書爲詩賦三後方相國賢之以

爲庶吉士

侯朝宗集

李淦號鳳山年二十四戶輪里甲應役幾罹官刑乃憤志力學登弘治

一鄉試授温州府推官廉謹詳明合郡有明刑弼教之頌

衡州府志

王萬善字允該號楚陽髫年每試輒異等白石蔡公樂山胡公大奇之年

二十四舉于鄉第一所作詩歌輒驚人同游比之黃叔度云

同上

王鳴鳳巫山人幼穎悟過目成誦年二十四登進士第任南京大理評事

廷無冤民陞山西僉事剖獄立斷每服其精明署學憲士類悅服其德

量汪洋人莫測其涯涘云

夔州府志

邢侗二十四歲登第殿試策書法擅場王者驚異卒置榜尾

列朝小傳

柯夏卿號遜庵黃巖人八歲失怙二十四歲中鄉舉成進士時澄江水清

三日人謂清獻後身

浙江通志

石廩字綱齋性剛毅勤學二十四恩選入京授德平簿卓有政聲部委監

三州二十四縣稅悉辦理遷廣東憲幕疑獄多平反陞安遠令士民肖像于祠廬州府志

魏象先字太初幼清蚤譽高才奇骨爲一時聞人年二十四始得補諸生
隱考軒集

黃道周字石齋家貧業農事親以孝聞年二十四始發憤讀書遂窮博思之學鈎深致遠天啟六年舉進士授檢討
東林列傳

孔子年二十四而母顏氏卒
闕里志

王弼字嗣輔山陽人年二十四卒景帝嗟嘆曰此天喪余矣
弼列傳

滿長武偉子寵孫年二十四爲大將軍椽高貴卿之難以椽守閣闔掖門不聽馬幹入爲司馬文王所恨收考死杖下免偉爲庶人時人寃之雖

王修字敬仁起家著作郎瑯琊王文學轉中軍司馬未拜而卒年二十四與弼沒同年修弟熙嘆曰無媿于古人而年與之齊也
文字志

丁鴻二十四歲父琳沒憐弟寒苦讓爵與弟不報乃塋畢掛衰服于庭而遁鴻後爲司徒
編年考

左偃南唐人不仕居金陵工詩韓熙載稱之年二十四卒有鍾山集晚唐
田紫芝字德秀貞裕初避兵臺山倉卒爲遊騎所驅遇害年二十四士論
惜之文字志

曹山禪師名本寂年二十五登戒謁洞山山問闍黎名甚麼師曰本寂山
高逸沙門傳

三州二十四縣稅悉辦理遷廣東憲幕疑獄多平反陞安遠令士民肖
象于祠廬州府志

草之文字法

田漢之字歸齊南漢臣魏良臺山餘卒於魏魏也魏良臺山餘卒於魏魏也
武南人不升吳今刻上精韓照簿錄之平二十四卒宜戰山集指成

二十五歲

王炎字子都年二十五腰瘠疼痛口中并苦舌燥涕出從此得道列仙傳

陳登字元龍忠亮高爽深沉有大畧負扶世濟民之志博覽載籍雅有文

藝經典文章莫不貫綜年二十五除東陽長養耆耆孤視民如傷三元

曹子建與楊德祖書僕少小好爲文章迄至于今二十有五年矣文選

楊修年二十五以名公子有才能爲魏太祖所器與丁儀兄弟欲以植爲

嗣世譜

孫巨幅彌字叔武河之子儀容端正器識聰明博學強記能議論應對

權常以爲宗室顏淵年二十五拜安東中郎將與陸遜共拒劉備巨投

刀奮命與遜努力備遂敗以功拜建武將軍封丹徒侯萬姓統譜

裴秀字季彥八歲能爲文遂知名大將軍曹爽辟之喪父終制推財與兄

弟年二十五遷黃門侍郎爽誅以故吏免文章叙錄

支道林年二十五始釋形入道年五十三終于洛陽高逸沙門傳

曹山禪師名本寂年二十五登戒謁洞山山問闍黎名甚麼師曰本寂山

曰那人暫師曰不厭本寂山深器之入室盤桓數載乃遂密授洞上宗旨二師會道是爲曹洞宗五宗綱紀

王融字元長累遷太子舍人上以其才辨使兼主客接魏使房景高宗弁弁見融年少問主客年幾融曰五十之年久踰其半景高又云在北閭主客曲水詩序勝延年實願一見融乃示之後日宋弁於瑤池謂融曰昔觀相如封禪以知漢武之德今覽王生詩序用見齊主之盛融曰皇家盛明豈止比蹤漢武更慚鄙製無以遠匹相如南史

梁簡文答張讚謝不集書綱好文章于今二十五載矣日月星辰火龍黼黻尚且著于玄象章乎人事而况文詞可止咏歌輟乎不爲壯夫楊雄實小言破道謂非君子曹植亦小辨破言南北朝文歸

柳慶二十五歲仕誥敕中書時進白鹿羣臣撰表文蘇綽曰近代文章華靡君職典文房宜製此表以革前弊慶操筆立成文有其質綽讀而笑曰杞橘可移况才子也編年考

宋璟梅花賦序垂拱三年余春秋二十五戰藝再北隨從父至東川授館

舍時病連月顧瞻岷壙有梅一本敷葩于榛莽中喟然嘆曰斯梅托非其所出羣之姿何以別乎若其貞心不改是則可取也已賦景

韓昌黎貞元八年壬申登進士第年二十五陸贄王試明水賦御溝新柳

詩興年譜昌

愈又贈李觀詩我年二十五求友昧其人哀歌西京市

乃與天子親所尚苟同趨賢愚豈異倫方爲金石姿萬世無緇磷無爲

兒女態憔悴悲賤貧本集

蔣義二十五歲仕秘書丞德宗嘗幸凌烟閣見左壁額剝上有殘闕文字

每行止辨二三字錄之以問宰臣宰臣不能對召義曰此聖曆年侍臣

圖贊也諷誦不失一字奏上德宗以爲虞世南暗寫列女傳無以加也

編年考

王仁裕字德輦少不知書以狗馬彈射爲樂年二十五始就學爲人雋秀

以文詞知名五代史

种放字明逸洛陽人少孤奉母至孝二十五歲隱居終南山嗜酒常曰空

山清寂聊以養和自號雲溪醉侯盡日琴樽自適從學者甚衆詔使召

之其母恚曰嘗勸汝弗聚徒講學身既隱矣何用文爲放乃散徒辭詔
編年考

濂溪先生年二十五爲分寧主簿時分寧有獄久不決先生至一訊立辨
邑人驚詫曰老吏不如也嘗被臺檄攝袁州廬溪鎮市征局袁之進士
來講學于公齋者甚衆

年表

廬蔚弱冠舉進士有日者言其壽不永年二十五寢疾于東都忽夢爲親
友所招出乘馬甚速疑爲冥司所攝有一人乘馬奔來每有畱滯必爲
撫解及到所司又懇爲請託因得却還道中見兵士數千初頗疑懼此
人曰他日郎君所主兵士也將至所居自後垣乘廬而入徑及庭中門
有旗麾鏘武器之屬此人曰他日當用之瘞于兩階之下將別蔚曰素
未相試何憂勤之甚焉某乃本命神爾君爲冥官所召大限欲及某已
于天司奏陳必及中壽疾亦就瘞無爲憂也蔚愧謝而去疾亦尋愈其
後策名金紫亦享中年除宿州刺史再擢都知兵馬指揮使不到任使
以其瘞武器門旗故也

雲笈七籤

歐陽修天聖九年年二十五至西京錢文僖公爲留守幕府多召士與尹洙師魯梅堯臣聖俞尤善日爲古文詩歌遂以文章名冠天下年譜

蘇明允上歐陽公書年二十五始知讀書蘇文公集

辨才淨法師自幼出家日夜精勤年二十五賜紫衣及辨才號太守沈遘

請師至吳越競來鑿山增室幾至萬礎武林梵志

陳無已惠詩有曾門一老之句不肖二十五歲謁見南豐舍人于山陽始

一書而褒與過宜陽有同途至毫之約卒以病不能如期後八年始遇

公于京師南豐門人唯君一人而已感舊慨嘆因成鄙句願無他示張

耒苑邱集

胡宗元二十有五再試禮部不利益自刻苦治經術厲操行客遊高安蔡

仲舒恤其孤立以兄子妻之黃山谷集

釋寰中聲若洪鐘色猶脂疑學通終古辭實豐瞻年二十五隨計中甲科

朕未寒其懷遭母憂廬墓服闋徑往北京童子寺出家後隱南嶽諫議

崔公深重之別立方丈虞淵景晞一飯永日然其山乏水羸瓶遠求深

宵俄有虎嘯嘯廬側詰旦視之果濫泉折地而湧足其汲用八十三終

於杭乾符丁酉勅謚性空大師 武林梵志

晁君成事親孝恭人不間于其兄弟之言與人交其不崖異可親其有所

不為可畏喜賓客平生不絕酒尤樂于山林川澤之間生二十五年乃

舉進士得官從仕二十三年然後得著作佐郎四十有七以歿 贛山谷

蘓東坡年二十五按河南府福昌縣主簿 年譜

李薦年二十五其文曄狀氣節不凡此豈終窮也哉 蘓軾李憲仲哀詞叙

伊川先生與莆田方君元實道輔帖乃嘉祐二年語時先生之年才二十

有五爾真蹟今藏道輔曾孫友陵家後百二十四年後學朱熹得曹建

謨本刻石於白鹿洞書院 朱子大全集

楊時年二十五授汀州司戶叅軍以奏不赴任著列子解 年譜

陳造字唐卿自稱江湖長翁年二十五始學儒 江湖長翁詩

董琦字順之年二十五始從韓溪程公受春秋役法行首出田粟里人賴

之 朱子大全集

馮藻德年二十五應舉嫺親勸令罷舉入官藻曰譬如一生無成更應五舉兆夢瑣言

柳耆卿東京才子年甫二十五出守餘杭郡造玩江樓於水滸每召名妓周月仙至樓上歌唱柳欲私之周拒而不從柳訪知與隔渡黃員外情密每夜用舟往來柳命舟人強淫之月仙惆悵作一詩自嘆身為妓遭淫不敢言羞看明月渡懶上載花船次日柳排宴于玩江樓召月仙佐酒令舟人在旁酒半歌月仙之詩月仙惶愧拜謝與耆卿款洽耆卿大喜而作詩曰佳人不奉耆卿却駕孤舟犯夜行殘月曉風楊柳弄芹教辜負此時情耆卿因此自損其名山堂肆考

王丞相曾王叅政堯臣張監丞唐卿賈內翰黼彭尚書汝礪衛舍人涇中狀元時皆年二十五朝野雜記

辛愿字敬之自號女几野人年二十五始知讀書取白氏諷諫集口試一日便能背誦善鳴集

田特秀五日生大定十九年進士仕至太原轉運使喜爲詩爲周德卿李

之純所實所居里名半十行第五小字伍兒二十五歲鄉府省鄉四試

俱中第五年五十五八月十五卒金史

抄思父敵溫奔契丹抄思與母來歸奉中宮旨侍宮掖年二十五即從征

伐破代石二州不避矢石每先登焉元史

雷機字子挹二十受大官薦為邵武學教諭二十五登延祐戊午進士授

大田縣丞自詔行科目閩人擢第者自府君始宋文憲公集

鄧愈二十五歲為叅政編年考

程通太學生遭喪歸廬墓三年二十五歲服闋復上太學時祖平謫戍延

安年耄耄通乃上書言臣幼而無父臣祖老而無子更相為命今邈檄

戍卒如林顧豈少臣祖者辭極懇切書奏太祖憐之命兵部驛召平既

至乃並召通東西立殿陛下顧通曰汝識此人否祖孫相持哽咽不能

仰視帝歎曰孝哉此人命除其籍編年考

高與志字子敏蕭縣人自幼學工文詞侍父京中一時文章大家貢師泰

周伯琦鄭元祐皆與之友年二十五為鄧山書院長洪武初徵修元史

建文庚戌典會試名士胡廣吳溥楊榮楊溥胡濙輩皆入彀號得人

卒謚文忠

嘉興府志

李賢字原德年二十五舉鄉試第一登第使山西見薛瑄講論淵源心悅

之益究理學不厭

列朝小傳

方洲名石字實夫四川遂寧人二十五歲登嘉靖己丑進士上疏論時政

四事忤旨謫戍未幾釋歸作詩云聞道天邊有薦書遙思往事渺愁予

疎才賈誼堪長謫多病相如喜索居但得紅霞生瓦甃不須丹鳳到茅

廬天王遠識孤臣僻一任飄零賦子虛清節碩學久負時望此詩可以

想見其人

編年考

孫繼皋年二十五中狀元

皇明盛事

薛惠字君采亳州人二十五歲登正統甲戌進士歷官考功郎中尋致仕

歸畱心性學證之六經及濂洛諸說著約言老子解有西原集行世號

西原先生

編年考

倪謙字克謙年二十五中正統己未探花仕至少保子岳

三元考

呂原字逢原年二十五中正統浙江解元壬戌榜眼三元考

邱濬字仲深瓊山人年二十五中正統甲子廣東解元甲戌進士二甲第

一名選庶吉士仕至武英殿太學士諡文莊三元考

謝琚年二十五中正統戊辰進士未娶三元考

吳鉞字鼎儀崑山人年二十五中天順癸未會元後改姓陸侍孝皇于東

宮啓沃功多及卽位進太常日侍帷幄以疾歸三元考

陳宗契字禔生號景玄父通政贈公嘗口占嫩竹綠陰陰地屬公對公應

聲曰新荷赤箭摩天贈公知爲非常兒矣年二十五舉于鄉三十二成

進士選御史毅狀以彈擊自任一時風生臺閣衡州府志

陸簡字彥伯號龍臯年二十五中應天成化乙酉解元丙辰探花仕至詹

事三元考

趙寬字栗夫年二十五中成化辛丑會元三元考

田惟祐字裕夫年二十五中弘治辛酉浙江解元三元考

夏良勝字于中南城人年二十五中正德丁卯解元戊辰進士官吏部郎

中多所建白止武宗南巡杖歸嘉靖初復職以議大禮忤旨為民

三元

楊繼盛年二十五舉庚子鄉試第二十一名

年譜

鄒守愚字君哲年二十五以儒士中鄉試初客有饋公蒸鵝者夜有光家

人駭異彬州公曰夫光者文明之象其應在秋試乎吾向在癸酉肉有

光遂中式公因作徵異記以紀之

鄒襄惠公年譜

陳大壯字子魯洛陽人年二十五中嘉靖戊子河南解元己丑進士

三元

汪宗伊字子衛崇陽人年二十五中嘉靖甲午湖廣解元戊戌進士仕至

南京吏部尚書

三元考

梁綱號承齋年二十五中嘉靖壬子山西解元壬戌進士歷陝西叅議

羅洪先二十五中嘉靖戊子鄉試明年舉南宮比廷試世宗親閱試策批

云學正有見言謹而意必忠宜擢之首賜進士第一授翰林修撰先生

聞振無矜喜色心怛怛念雙泉公不置

念菴先生集

劉昭文字汝簡南康人性警敏年二十中鄉試二十一登進士授行人轉

司正以朝儀謫少選量遷時年二十五遂絕意仕進從學於湛文簡鄒

文莊二先生之門與同志聚講旭山性篤孝母病必躬自煮藥所著有

就正集南安府志

潘曰成字思明號水簾年二十五中嘉靖辛丑榜眼累至尚書致仕三元考

陸瓚龍游人年二十五中嘉靖癸丑進士三元考

彭堯化事母極孝年二十五喪妻恐後娶未能盡慰母心遂終身不續絃

人以爲孝義兼盡衡州府志

周汝礪字若金號用齋年二十五中隆慶丁卯應天解元甲戌進士三元考

孫成名慈谿人年二十五中隆慶辛未進士三元考

顧夢珪字武祥十七舉于鄉中嘉靖進士遷郎中應詔陳言論六事尤論

中官鎮守之害得旨報罷時夢珪年二十五輒從海內尊宿鄒讓之呂

仲木等遊賞泛舟清溪見梅花色香孤絕仲木笑曰武祥如此花矣擢

廣東叅議平寇授江西布政年四十餘郎致仕歸著有北海集蘇州府志

陳大士自閩武平歸臨川時年二十五矣歸益困居三年赴邑侯滄孺袁

公試試失期遮馬首大言刼公公促試一藝藝立成益駭其才遂冠軍

補郡弟子員 羅萬藻陳大士傳

陳維直字伯生號寅齋年二十五中嘉靖甲子四川解元乙丑進士累官

湖廣布政 三元考

陸越趙寬李舜臣俱年二十五中會元 皇明盛事

林致孝年二十五歲豪俠自負靖康三十一年黃天錫叛巢于佛子壩致

孝挺身入以窺虛實翼乘間而陰斃之被執誘降許以不死極力叱罵

賊支解之 廣西通志

南康劉咸臨有超軼絕羣之才諸公許以琢磨可成君子之器不幸年二

十五卒 黃山谷集

李若水字清卿曲周人擢上第爲元城尉靖康二年從駕如金旣而虜遣

蕭太師者易御衣公忿怒抱持上大呼罵曰吾華夏真主狗輩敢無禮

耶虜擊之面目爲傷氣結仆地良久乃蘇虜曰三飯之不食粘罕再召

公大聲抗論歷數其失信粘罕大怒令敲殺之臨死罵不絕口胡相謂

曰大遼之破死義者十數今南朝惟李侍郎一人母張氏在家聞變曰

吾子死難必矣年二十五建炎中贈端明殿學士諡忠愍名臣言行錄
黃之宗年二十五中危痘醫云不治日午已暴死矣其妻汪氏泣不止探
其胸尚溫卽焚香告司命割服爲湯以匙啓口且喚且泣滴其舌逮燈
時忽甦曰吾生矣氏拭淚詢曰頃吾至冥府冥司感爾誠敬釋吾且還
且註吾添壽二十五年與爾同年月而終氏隨發視之其靨已盡濯
頂矣後其言悉驗

安慶雜記

二十六歲

戴羗字次重汝南平輿人二十六歲會羣臣大會俱就席羗獨立光武問之羗曰博士說經皆不如臣而坐居臣上是以不坐帝即令上殿與諸儒難辨羗多所解什帝善之於是正旦百僚俱集令羣臣能說經者互相難詰不通者輒奪其席以與通者羗遂坐五十餘席語曰解經不窮

戴侍中編年考

劉琨字越石少得儁朗之日與范陽祖納俱以英雄著名年二十六爲司隸從事時征虜將軍石崇河南金谷澗中有別廬冠絕時輩引致賓客日以賦詩琨預其間文詠頗爲當時所許

晉傳

王猛字景略少貧賤鬻畚爲業有一人貴買其畚而云隨我取直至深山見一公踞胡床而坐鬚髮悉白侍從十許人猛拜之曰大司馬何緣拜也乃十倍償畚直遣人送之既出顧視乃嵩高山也後仕苻堅吏部尚書左僕射居中宿衛時年二十六歲晉書作三十六歲

十六國春秋

王摛二十六文名盛譽王儉嘗命賓客隸事者有賞何憲爲勝乃賞以

五色花簾白團扇坐簾執扇意甚自得摘後至儉曰卿能奪之乎摘操筆立成文章既與辭亦鮮美舉坐擊節擗乃令左右抽簾手自掣扇登車而去儉笑曰所謂大力者負之而趨編年考

蕭子良二十六歲爲司徒錄尚書事編年考

蕭子雲弱冠撰晉書至二十六歲成百餘卷表奏之詔付秘閣嗣又蕭

子雲答武帝勅云臣昔不能拔賞隨時所貴規模子敬多歷年所年二十六著晉史至二王列傳欲作論草隸法言不能盡意遂不成十許年始見勅旨論書一卷商畧筆狀洞徹字體法帖判誤

謝朓字玄暉年二十六奉隨王教作杜若賦于座上獻之瑋瑤圖而宣游臨水木而延佇覽花榮之悅茂紛爲芳于清籟謝宣城集

宇文憲周武成二年授使持節大將都督二十四州諸軍事益州刺史齊

國公食邑萬戶公時年二十六王武子以上將開府未滿立年荀中州

爲十州都督才踰弱冠方之于公已爲老矣庾信周上柱國齊王墓志

陽固字敬安性淑儻不拘小節少任俠好劍客不事生產年二十六始折

節好學博覽篇籍有文才北史

趙昱字仲明與兄晃俱隱青城山煬帝知其賢徵召不起強起至京煬帝
縻以上爵不就獨乞爲蜀太守帝從之拜嘉州太守時健爲潭中有老
蛟爲害截沒舟船蜀人患之昱蒞政五月小吏告渡江溺死沒舟航七
百艘昱大怒率甲士千人及州屬男一萬人來江岸鼓噪聲振大地昱
乃持刀沒水頃之江水盡赤岸半崩吼聲如雷左手執蛟右手執刀奮
波而出州人頂戴事如神明時年二十六隋末隱蜀太宗賜封神勇大
將軍廟食灌江口歲時民疾病禱之無不應上幸蜀加封赤城王鑑城
庾易字幼簡志性恬靜不交外物二十六歲臨川王暕表薦之餉麥百斛
辭不受以文義自樂長史袁承欽其風贈以鹿角書格白象牙筆等並
贈詩曰白日清明青雲遼亮昔聞巢許今覩臺尚編年考
薛收字伯褒道衡子二十六歲拜給事中上書言事太宗嘉納之中書省
有一盤石道衡爲內史嘗踞而草制伯褒每見此石未嘗不泫然嘗上
書諫止畋獵太宗曰成我者卿也明珠兼乘不若一言與弟德音姪元

敬世稱河東三鳳

編年考

李世勣二十六歲拜大將封英公

編年考

韓昌黎上崔虞部書云愈今年二十有六矣距古人始仕之年尚十四年豈爲晚哉行之以不息要之以至死有不得于今必有得于古不得于身必有得于後用此自遣且以爲知己報執事以爲何如本集

元稹字微之二十六歲爲御史鞠獄梓潼至褒城寄夢游詩與白樂天曰夢君兄弟曲江頭也向慈恩院裡遊驛吏催人排馬去忽驚身在古梁州時樂天正遊慈恩院亦以詩寄微之曰花時同醉破春愁醉折花枝作酒籌忽憶故人天際去計程今日到梁州千里神交若合符契

編年

楊收侯兄假登第年二十六狀後應試及仕又不欲已居兄上固辭節度判官及兄轉監察御史收亦更爲監察御史並居憲府時人榮之狀

王丞相溥中狀元時年二十六後六年遂相周世宗

石林詩話

梅詢字昌言堯臣父也年二十六進士及第

歐文忠集

徂徠先生石介字守道年二十六舉進士甲科爲鄆州觀察推官

徂徠文集

范仲淹大中祥符年二十六歲有睢陽學舍詩在南都學舍真宗謂太清宮駕次南京皆往觀之獨公不出曰異日見之未晚留守見公食粥以厨食饋公公不下筋問曰非不感厚意食粥已久今遽享盛饌後日豈能啖此粥乎按遺言云公處南都學舍晝夜苦糜五年未嘗解衣就寢枕或昏怠輒以水沃面往往饘粥不克年譜

蘇易簡二十六歲除翰林學士知制誥類書纂要

東坡年二十六應制科入第三等有應制科上兩制書及上商丞相書又有謝應中制科啟受大理評事鳳翔簽判按先生感舊詩序云嘉祐中余與子由奉制策寓居懷遠驛時年二十六子由年二十三耳是年十二月赴鳳翔任與子由別馬上賦詩到任有石鼓詩云冬十二月歲辛丑我初從政見魯叟年譜

蘇轍次韵子瞻特來高安相別先寄遲适遠郊寄適迨過遜詩遲年最長二十六已能幹文窮愁裡豫見揚眉稍剛勁童子溫純無愠喜江西志程明道先生二十六舉進士調王鄆縣簿令以其年少疑于事未易也易

之先生折疑獄如神令大驚

本傳

毛子仁吉水人諱洵年十九第進士二十六中拔萃制科杜祁公有詩美之其父雋亦有詩寄歐陽公父母之喪廬墓死焉時年三十二天子賻之束帛以旌其孝

誠齋集

陳俊卿字應求公生二十六年而仕仕三十年而相相二年而去去十三年而老老三年而薨蓋七十而有四矣

朱子全集

瞿廷發字聲父其先汴人扈宋南渡居上海父君用承信郎廷發幼穎悟書一覽成誦才氣落落不羣二十六歲元兵次臨安遊騎及境廷發挺身兵間率衆歸附一境賴以全命爲下沙鹽場副使擢進義較尉同提舉上海市舶秩滿召見授兩浙運司副使政多善蹟後以壽終

編年考

黎立武字以常新喻人年二十六擢咸淳進士第三人大父母父母俱存明年奉四親之官一時以爲榮累至國子司業而宋已傳中庸之學于

謝尚書

吳草廬集

兀部帶郎安童子二十六歲爲大司徒

編年考

王磐年二十六登金經義進士授歸德府錄事判官會楊惟中被旨招集
儒士得磐深禮遇之東平總管嚴實興學養士迎磐爲師受業者常數
百人元史

朱太祖二十六歲在郭元帥軍中聚集鄉里壯士得徐達等共二十四人
皆濠人時徐達少上一歲智勇絕倫上卽專任之編年考

寧波府定海縣其地故有狀元橋未知所自洪武二年邑人張信適生橋
之所至二十七年信舉狀元及第始符橋名或云王院立刊其兩旁石
欄云人從橋上行狀元此時生故以名橋寧波府志

徐中山王達年二十六爲樞密僉院

皇明紀畧

洪英字實夫年二十六中永樂乙未會元累官山東布政有惠政三元考
侯璉字廷玉澤州人年二十六中永樂癸卯山西解元屢以討賊功累至

尚書三元考

謝璉字重器年二十六中宣德丁未探花上治安十五事切于時政同上
周洪謨字堯弼年二十六中正統甲子四川解元乙卯榜眼未娶三元考

黃紱平越衛人年二十六中正統戊辰進士三元考

徐溥字時用年二十六中景泰甲戌榜眼仕至華蓋殿大學士謚文靖

王越字世昌大名清人也二十六歲舉景泰辛未進士廷試日答策方檮

草忽大風起卷直上雲際頃之不見禮部尚書胡濙爲言于上得給卷

畢試衆固已異之是年秋月而朝鮮貢使附越策來而曰王方視朝有

旋風捲一物下者則進士卷也敢以聞景帝問姓名謂吏部曰識之此

當任風憲于是擢監察御史長身偉觀奏對聲徹殿陛後英廟復辟屢

建奇功仕至太子太保封威寧伯各卿紀錄

謝遷字于喬號木齋年二十六中浙江甲午解元乙未會試第三狀元及

第仕至端明殿大學士致仕卒年八十二贈太傅謚文正三元考

王諤字道夫年二十六中弘治辛酉陝西解元三元考

徐穆字舜賓吉水人年二十六中弘治癸丑榜眼三元考

殷雲霄字近夫生而修眉碧目口可容拳體羸而骨健讀書數行下既成

誦終身不忘年二十六舉弘治進士以疾歸五年出授清江令召補南

工科給諫未幾卒年三十七平生方峭克約雅志詩文武廟才子股
其一也政務清簡民甚德之萬姓統譜

洪鐘字宣之自幼岐嶷不凡成化戊子年二十六以易經領鄉薦乙未舉
進士授刑部主事講習憲典時相繼爲大司寇者以耆德宿望咸器重

禮信之王陽明集

易舒誥字欽之號西泉年二十六舉孝廉涪池文集

孫繼魯錢塘人年二十六中嘉靖癸未進士未娶三元考

龔用卿字鳴治年二十六中嘉靖丙戌狀元仕至祭酒三元考

羅洪先字達夫號念菴年二十六中嘉靖己丑狀元爲文精卓工于理學

不爲迂矯之談官贊善上疏論東宮事宜與趙時春唐順之同罷同上

李文鳳桃源人慶道衛籍年二十六中嘉靖乙酉廣西解元字廷儀號月

峰三元考

胡杰字子文年二十六中嘉靖癸卯江西解元丁未進士三元考

姚涑字維東號明山慈谿人年二十六中嘉靖癸未狀元丙子鄉試七名

會試二名爲經筵講官積誠感悟每進對稱旨陞侍讀卒三元考

李春芳餘干人年二十六中嘉靖戊戌進士三元考

劉一麟字子仁昌平州人年二十六中嘉靖庚子北直解元庚戌進士

余立馬平人號樂吾年二十六中嘉靖戊午廣西解元壬戌進士至兵左

致仕三元考

何洛文字啟圖號震川年二十六中嘉靖甲子陝西解元乙丑進士至左

都御史致仕三元考

溫純字淑文號一齋年二十六中嘉靖辛酉河南解元乙丑進士至提學

副使三元考

吳國倫興國州人生而穎異善屬文年二十六省試第一次年登進士是

時都下有七才子齊名李攀龍謝榛及王世貞宗臣徐中行南越梁有

譽而國倫則楚才也以著述自喜

嘉興府志

黃士觀莆田人字國光年二十六中嘉靖己酉福建解元庚戌進士

三元

馬文升字負圖河南鉤州人生而有異光貌環竒多膂力二十六歲登景

泰二年進士選授監察御史出按山西湖廣所至發奸摘伏有神君之稱成化初固原土夷滿四據石城以叛詔拜文升右副都御史佐總督項忠討之斬首七千六百有奇獲其男女老弱二千六百提問進文升

左副都御史賜金帛

編年考

陸深謁章文懿公祠堂曰深卒業南雍極蒙公器待時年二十六今五十三矣公和易不事邊幅無爲後生輩談論其言若不甚深切而其應皆如影響所謂國家之著蔡

陸深溪山餘話

胡直字正甫少駘蕩好工古文詞年二十六始從歐陽文莊問學年三十復從學羅文恭及其入蜀文恭謂之曰正甫所言者見也非實也自朝至暮不漫不執無一刻之暇而時時覲體是之謂實知有餘而行不足常若有歉于中而絲毫不盡是之謂見歸蜀以後文公不及見矣

朝案

徐夢華字子善魁梧倜儻燕額虬鬚其詩蕭豁雋朗有天明爾樓稿年二十六爲安南叅軍有思親詩爲憐萱草庭前冷不戀梅花嶺上春卽掛

冠歸其人品可知

留青日札

胡廣彭教張昇龔用羅洪先俱年二十六中狀元洪英王鰲汪俊俱二十

六中會元

皇明盛事

孔子年二十六母喪既祥五日彈琴不成聲十日而成笙歌檀弓

長沙桓王策年二十六卒綱目載三十六

禰衡被黃祖見害年二十六後漢書

謝莊字希夷陳郡陽夏人仕光祿大夫卒二十六所著文章四百餘卷行

世說新語

鄒智字汝愚弘治二年坐與御史湯鼐等下獄免死謫廣東吏目衣結屨

穿毅狀就道得從陳公甫游其學日進居四年得暴疾卒年才二十六

惻憫明紀載智身親三木僅餘殘喘神色自若無所曲撓當事者坐

智竊妖言罪死王恕上言極諫因改謫降後二十年卒僅三十六

二十七歲

孔子年二十七歲鄰子來朝夫子見而問官

左傳

曾子少孔子四十六歲孔子歿時方二十有七則一貫之傳夙悟不減顏

子通鑑前編

郭嘉字奉孝少有遠量漢末天下將亂自弱冠匿名跡密交結英雋不與

俗接故時人多莫知惟識達者奇之年二十七辟司徒府

傳子

胡廣字伯始年二十七登孝廉除郎中尚書侍郎

蔡邕太傅胡公碑

揚雄與劉子駿論方言書雄常把三寸弱翰齋油素四尺以問天下異語

歸郎以鉛摘次之于槧二十七歲於茲矣

騭字類編

魏武帝南征荊州劉琮舉州委質而備失勢眾寡無立錐之地諸葛亮時

年二十七乃建奇策身使孫權求援吳會權既仰備又觀亮奇雅敬重

之即遣兵三萬人以助備備得與武帝交戰大破其軍

三國志

周瑜字公瑾二十七歲戰曹操于赤壁舉火攻大破曹兵焚溺死者數萬

少年立功未有如公瑾者也

編年考

諸葛亮之四

九十七

呂蒙二十七歲魯肅過潯陽與蒙議論大驚曰卿才如此非復吳下阿蒙
蒙曰士別三日即當刮目相待大兄何見事之晚乎肅遂拜蒙母結交
而別編年考

姜維字伯約天水冀人也諸葛亮辟維爲倉曹掾加奉義將軍封當陽侯
時年二十七亮與張裔蔣琬書曰姜伯約忠勤時事思慮精密考其所
爲永南李常諸人不如也三國志

高岱字孔文少厲高操輕財貴義年二十七太史盛憲以爲上計吏舉孝
廉謂之曰卿懷書千卷隱光藏耀今日相使誠不足使鳳鸞舒翼也然
不獲已君其勉諸蕪州府志

趙儼字伯然潁川陽翟人避亂荊州年二十七扶持老弱詣太祖太祖以
爲朗陵長縣多豪滑無所畏忌儼取其尤甚者收之皆得死罪儼既囚
之行表府解救自是感恩並著三國志

稽含白首賦曰予年二十七始有白髮生于左鬢垂立之年白首無聞壯
志矧於蕪途忠貞抗于棘路唐類函

王猛字景畧北海人二十七歲桓溫入關猛披褐往謁捫虱而談當世之務侑若無人溫異之問曰吾奉命討賊而三秦豪傑未有至者何也猛曰公不遠千里深入敵境今長安咫尺而不渡灞水百姓未知公心所以不至溫默然無以應徐曰江東無卿比也乃署猛軍諮祭酒不受猛後就苻堅之聘一見傾蓋編年十六國春秋王猛二十六仕苻堅則見桓溫應在二十四五也不敢妄易並存之

蕭思話轉彭城沛二郡太守涉獵書傳解音律使弓馬遯振武將軍青州刺史時年二十七司馬朗之謀爲寇亂思話遣北海太守蕭汪之討斬之餘黨悉平宋書

魏收隨父赴邊欲以武藝自達鄭伯調之曰魏郡弄戟多少收慙遂折節讀書夏月坐版床隨樹陰諷誦積年床版爲之銳減而精力不輟年二十七上南狩賦甚見褒美伯謂曰卿不遇老夫猶應走兔焦氏類林

顧劭字孝則吳郡人年二十七歲起家爲豫章太守舉善以教民風化大行環濟吳記

李鉉年二十七歸養二親因教授鄉里生徒恒數百人燕趙間言經者多出其門以鄉里寡文籍來遊京師讀所未見書舉秀才除太學博士虬

宇文泰二十七歲爲丞相編年考

高岳二十七歲爲太尉編年考

高澄二十七歲爲太師錄尚書事編年考

佛陀耶舍年二十七方受具戒至沙勒國時國王不豫見而悅之留宮內

供養羅食後至復從舍受學甚相尊敬搜神記

衛將軍名遼陽美人學弓劍有武備客二十七遊并汾間遇神堯皇帝始

建義旗遼以勇藝進備行列擒竇建德太宗奇之天下既定拜將軍衛

衛以母病乞歸以孝敬睦閨門以然信居鄉里及卒邑人懷其賢廟宇

荆溪之湄以平生弓甲懸東西廡下歲時祠祭頗福其土焉韜略

崔湜字澄瀾執政時方二十七歲嘗暮出端門下天津橋馬上吟春游上

林苑花蒲洛陽城張說嘆曰此句可倣此位可得其年不可及也麟

白樂天一舉及第詩曰慈恩塔下題名處十九人中最少年時年二十七

省試性習相近遠賦玉川記同流携詩謁李逢吉初不以爲意及覽賦頭曰噫下自人上達由君成德以慎立性由習分逢吉大奇之王諤定

馮熙載欄柯山詩嗚呼石橋吾家山二十七年人世間玉龍在乎不稱意

聊復爾耳猿鹿間人生窮達貴自適古書濁酒開朱顏衢州府志

王曾年二十七除翰林院學士兼知制誥類書

王君玉內翰初登第調江都縣令題九曲池詩晏元獻閱詩賞嘆薦爲館

職又嘗乞夢于后土祠夜得報云君年二十七官至四品時年正二十

七大惡之過歲仍稍自安後以禮部侍郎樞密直學士致仕未改官制

時正四品年七十二云彥周詩話

孔道輔字原魯公天性英異在髫年則舉止莊重言不妄發咸平中舉鄉

進士爲兗州首冠明年擢進士釋褐彭原幕時年二十七張宗益孔公墓表

范仲淹祥符八年年二十七舉進士禮部選第一范文正公年譜

蘇明允年二十七始發憤讀書舉進士又舉茂才皆不中曰此未足爲吾

學也焚其文閉戶讀書五六年乃大究六經百家書說渾水燕談錄

趙達字莊叔天水人二十七歲中對策當旨擢第一獨忤秦檜意外補帝
問達安在除校書郎達單車赴闕闕吏迎合檜意搜達橐中僅書籍耳
比檜卒遷起居郎帝曰卿知之乎始終皆朕自擢檜一語不及卿以此
信卿不附權貴真天子門生也編年考

東坡年二十七官于鳳翔二月有詔羣吏分往屬外決囚作詩五百言寄

子由又有壬寅重九不豫會遊普內寺僧各有懷子由詩年譜

岳飛二十七歲戰金人于廣德六戰皆捷擒金將王權俘首領四十餘察

其可用者結以恩義遣還令砍營縱火飛乘亂縱擊大破之駐軍鍾村

軍無糧將士忍饑秋毫無犯金兵曰此岳爺爺之軍也爭附降之編年考

王師愈潘公義榮召致門下教視均子姪與見龜山先生受易又從東萊

先生問知中朝諸老言行之懿二公皆器許之于是益自刻厲大肆力

于六經子史百家手抄口授晝夜不息年二十七登進士第朱子王公

吳璋為兒時從師鄉塾有相者徧視諸生獨指璋曰此郎有朝帝骨年三

九番登桂籍後璋登進士第適年二十七果符相者之言延平府志

何僕射與趙丞相汝愚皆年二十七中狀元朝野雜記

文天祥年二十七進校書郎誥詞曰爾以陟岵之故稽登瀛之擢一旦來歸如麟獲泰時鳳集阿閣甫繡黃本俄映青藜在他人爲速在爾爲晚矣文文山公年譜

本朝知制誥王沂公年二十七進朝錄

元好問探花詞李欽用二十七張夢得少一歲又未婚六十人中數少年

風流誰占探花筵阿欽正使才情盡猶見張郎白玉鞭遣山集

耶律楚材湛然居士集曰湛然居士年二十七受顯訣于萬松盡棄宿學冒寒暑無晝夜者三年以至遍從西征六萬餘里歷艱苦行役而志不少沮踴躍崑崙瞰瀚海而志不加大元詩選

脫脫二十七歲爲中書右丞相編年考

明太祖二十七歲識李善長於兵間所言多合遂命掌簿書編年考

予從弟景清年七歲入小學十三歲卽棄去居物于家視其物之誦信而操其跡羸未幾家大穰今二十有七歲一旦發憤曰吾以七尺之軀豈

終溺于此而不知自返哉且貨財爲造物所忌藏者在室而奪者在門
吾豈若明仁義于身使人不得而攘哉卽外兄賈思誠謀賈曰奇男子
事也景清勉之乃囊書襪被不遠一百里謁予于東明具言其狀予爲
之驚喜乃與之坐而語以孟軻夜氣之說予言頗懇切景清聞之似欲
泣者吾知其可教乃處之蘿山書室中距東明僅三里日挾策而來反
覆詰難一字不解輒沉思良久必通乃已

宋濂送從弟歸潛溪序

徐達二十七歲入樞密院尋封中山王

編年考

王禕楊季子詩序獨憶予年二十七時在京師季子不鄙其晚出也言于
丞相賀公曰宰相安可失此人會予南還且世亂聲迹遂不相聞及今
十五年而季子死久矣朕則季子之知予甚厚姑述其志行之

西江志

張唯永豐人年二十七中洪武壬子江西解元明年拜翰林院編修

三元

方孝孺年二十七應召如京師見高帝于奉天門試靈芝甘露論稱旨曰

此異人也謂沈樞曰孝孺孰如汝對曰十倍如臣上曰誠異才也

年譜

袁愷字舜舉安邱人少貧獨學時出事賈販不爲人知二十七歲始棄去

所志讀書景泰辛未登進士歷官廣東布政兼有武畧征徭多功出仕三十年清介廉慎家無餘積居鄉出入乘小舟從一二蒼頭見者不知其貴人也

編年考

彭教字敦五年二十七中天順己卯江西解元甲申會試第二名狀元及

第三元考

陳獻章學者稱白沙先生嘗曰吾年二十七始發憤從吳聘君學于古聖賢垂訓之書蓋無所不講然未知入處比歸白沙杜門不出專求所以用力之方

鄭元慶明史

謝遷秦鳴雷俱年二十七中狀元

皇明盛事

梁儲字叔厚順德人二十七歲成化戊戌進士授翰林歷學士太子太保時陝西親藩請牧地錢寧汪彬張忠輩受賄請上許之廷臣諍諫不入皆引疾不出上怒甚令內臣督促草制儲承命上制草武宗駭曰若是其可虞其勿與遂寢儲掌內制四十餘年其補天浴日之功不少望八終謚文康

編年考

薛詩銘

鄭維誠字伯明祁門人年二十七中嘉靖甲午應天解元仕至副使三元考

陳兩湖先生甫綰髮下筆輒千百餘言長老嘆異其于文學固其天性年

二十七舉嘉靖壬子鄉試第一江西額取士九十五人先是境內有凜

卒之變罷科至是有司請倍收以償缺典詔從之于是合前科試錄士

凡百九十人公遂稱兩榜省元名聞天下曾同亨龍津原刪稿序

樊一鵠字子正縉雲人事父母孝養備至年二十七斷絃終身不續在侍

無人自甘清苦奉父以終餘年生事塋祭無違三禮人以孝義號稱之

處州府志

陳公陞字宸舉年二十七中正德己卯福建解元己丑進士歷官按察副

使三元考

陸鉞字舉之號少石年二十七中正德庚辰榜眼三元考

許天倫字汝明號書崖代州人年二十七中嘉靖戊子山西解元乙未進

士累官叅議三元考

王交字徵久號龍田慈谿人年二十七中嘉靖庚子浙江解元辛丑進士

秦鳴雷字子豫號華峰年二十七中嘉靖甲辰狀元時已定吳情爲狀元

因讀卷官北音讀吳字讀無上曰無情豈宜居第一遂置第三而因毀

旂結雷字乃拔鳴雷云

三元考

唐一麀武進人字仁甫號止菴年二十七中嘉靖己酉應天解元乙丑進士

三元考

李日強曲沃人字元莊號敬齋年二十七中嘉靖辛酉山西解元乙丑進士

仕至叅政

三元考

何孝子名倫字宗道別號東山江山縣人天性至孝雖貧養親而甘旨不

缺送死喪塋必盡哀禮人以孝子稱孝子貧失學二十七歲始發憤讀

書初從陽明先生講學于越旣而復從王心齋王龍谿薛中離諸公游

晚年復拜甘泉先生于南都及歸克然如有得也日與西山東溪諸公

切劘以終其身焉

編年考

衛玠字叔寶瑯琊人也卒年二十七仕太子洗馬

晉書

王融字元長鬱林卽位十餘日取下廷尉獄賜死時年二十七臨死嘆曰

我若不爲百歲老母當吐一言融意欲指斥帝在東宮過失也

南史

謝惠連幼而聰敏族兄靈運深加知賞本州辟主簿不受後爲司徒彭城

王法曹年二十七卒

南史

楊淮字始立華陰人見王綱不振遂縱飲不以官事規意年二十七卒子

秀髦俱總角知名

荀綽吳州記

李賀年二十七有緋衣召曰帝成白玉樓請君作記天上差樂不苦也

昌

谷集

王淳王洵父鑄宮斷事坐法當死淳年二十七洵年二十二日夜號泣

詣御史請代淳曰父以淳故懷祿淳不能有所以事之免干過應戮

復云兄冢嗣太宗所承洵死猶鴻毛爾兄弟交讓御史訊其執志堅定

疏于上特免焉

蘇州府志

楊應祈字懋廷雲間給諫允繩之子父以忠諫坐死應祈甫弱冠痛父冤

蓬跣悲號遂刺臂血書疏將擊登聞鼓鳴冤疏具而母黃孺人泣止之

曰楊氏自祖父四傳僅爾一脉徒死無益焚其草格不得上應祈年二十七歲謂母曰今我已育子可傳嗣遂入獄與父訣竟不食死給諫韓竟不免黃孺人偕子婦袁奉兩喪歸吳國倫誄之曰一時隻視返煙雨暗江東天下聞而悲之子忠裕舉萬曆戊子應天鄉薦上疏請旌奉旨建孝子節婦坊表其廬廕孫孝寬

編年考

李兆先字徵伯西崖先生子也以蔭爲國子生年二十七而天天子爲致聘焉娶五經博士潘辰之女亦能詩後徵伯六年卒

列朝小傳

吳訥字克敏少學兵法習騎射從父收復五溪蠻又與李克魯同復徽州後天兵臨郡戰敗不屈引刀自刎死年二十七有吳萬戶詩集

同上

方授字子留崇禎末治生與兄儀弟藻有三方之目沉靜力學蒐古撫今國變後祝髮流離轉徙悲困抑鬱以死年才二十有七著述甚多

龍眠雅

其受于千載而後未始不與天相感通三才之理精微玄奧不可

盡矣其劉惔雖遇不遇而自以與天相感乎二十山有吳蘭氏精業同土

吳蘭氏京始也學其去晉國後後之其正類繼又與李京同其類

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

其受于千載而後未始不與天相感通三才之理精微玄奧不可

二十八歲

孔子二十八見鄉子而學禮既而告人曰天子失官學在四夷猶信左傳

尹軌字公度年二十八絕粒餐氣專修上法列仙傳

光武名秀高祖九世孫長七尺三寸美鬚眉大口隆準日角受尚書通大

義嘗過蔡少公學圖讖言劉秀當為天子二十八歲同兄伯升起兵復

興漢室誅莽城郎編年考

劉備二十八歲同關羽張飛起義破黃巾賊編年考

張遼字文遠雁門馬邑人武力過人丁原名為從事呂布奔徐州領魯相

時年二十八太祖破呂布于下邳遼以眾降拜中郎將賜閑內侯三國志

許劭字子將二十八歲少峻名節好人倫多所賞識年二十八為郡功曹

太守徐璆甚敬之編年考

許玉斧年二十八超然登仙映于東山雲笈七籤

王汝南即癡叔也武帝每見王濟曰卿家癡叔死未濟曰臣叔不癡山濤

以下魏舒以上于是顯名年二十八始宦世說

嵇紹以父康被法未選舉年二十八山公啓事曰紹平簡溫敏有文思又

曉音詔曰紹如此便可爲丞不足復爲郎也爲秘書丞

世說

鄧燦高潔著名與劉麟之劉尚公相友二十八歲刺史桓公舉禮請燦燦

往應其召麟之二人止之曰毋乃易節乎燦曰足下可謂有志于隱而

未知夫隱夫隱爲道朝亦可隱市亦可隱隱初在我不在于人二友無

以難之

編年考

溫嶠字太真祁人博學能文丰儀秀偉劉琨王導輩雅重之年二十八喪

婦從姑有一女嶠嶠覓壻報云已得之因下玉鏡臺一枚姑大喜及婚

女撫掌笑曰我固疑是老奴

編年考

荀羨字令則褚裒奇之曰荀生逸舉之氣將有冲天之舉遷徐州刺史年

二十八中興方伯未有如荀年少者

晉陽秋

王儵爲尚書右僕射領吏部時年二十八

文選

邢亢字于高頗有文學位兼通直散騎常侍使于梁時年二十八

北史

朱滔泚弟也泚領節度遣滔將兵三千爲天子西乘塞爲諸軍倡始安史

後山東外臣傲肆不廷至泚首效款帝嘉之召見瀋殿中帝曰卿才孰與泚多瀋曰統御士衆方略明辨臣不及泚臣年二十八獲謁天子泚長臣五年未識朝廷泚不及臣帝愈喜唐書

韓愈上宰相書今有人生二十八年矣各不著于農工商賈之版其業則讀書著文歌思堯舜之道雞鳴而起孜孜焉亦不爲利其所讀皆聖人之書楊墨釋老之學無所入于其心本集

元稹年二十八應制策入三等拜左拾遺郎日獻教本書數月間上封事

六七憲宗召對言及時政執政者疑忌出公爲河南尉白居易銘

李克用與黃巢戰于渭南一日三捷巢焚宮室遁克用時年二十八于諸

將最少而破黃巢復長安功居第一兵勢最强諸將皆畏克用一日眇

時人謂之獨眼龍綱鑑

李存勗克用子二十八歲帥兵討梁恢復中原雄聲大振梁主曰我經營

天下三十年不意太原餘孽更昌熾如此吾觀其志不小我死諸兒非

彼敵也吾無葬地矣

編年考

趙光逢字延吉溫潤柔深年二十八有凌雲之氣槩人謂之王界尺

編年

永明寺禪師餘杭王氏子總角歸心佛乘既冠持法華經七行俱下六旬

悉誦感羣牟跪聽年二十八禮翠崖爲師往天台習靜有鳥類斥鷃巢

于衣衲中建隆元年忠懿王請開山靈隱新寺明年遷永明大道場衆

盈二千居十五載度弟子一千七百人開寶七年入天台度戒約萬餘

人著宗鏡錄一百卷詩偈賦詠凡千萬言高麗王覽師言教遣使贄書

叙弟子禮奉金線織袈裟水精珠金澡瓶等彼國僧三十六人皆承印

記歸本國各化一方開寶八年示寂于大慈山

武林梵志

富文忠公弼嘗謂邵伯諂曰吾年二十八登第方娶當先公先大人未第

决不許娶

聞見錄

張隆字君道樂聲色酒博以自放年二十八有比邱論以罪福直切卒朕

後悔悟委家絕世專意釋氏

陳后山張居士墓志

濂溪先生年二十八部使者以先生爲才奏舉南京安軍司理叅軍

年表

蘇東坡年二十八官于鳳翔作思治論

年譜

君謨寫此時年二十八其後三十二年當熙寧甲寅軾自杭來臨安借觀而君謨之歿已六年矣明師之齒七十有四耳益聰目益明寺益完壯竹林橋上暮山依然有足感嘆者蘇子瞻題蔡君謨海會寺記

本朝知制誥盧相楊文公晏元獻公宣獻公徽宣使王公拱辰皆二十八蔡學士蘓侍郎二十八退朝錄

完顏撒速也金始祖九世孫顯宗爲皇太子擇德行淳謹才學該通者舉也並僕散訛可二人乃召見于承華殿問其年對曰臣生之歲海陵自上京遷東都歲在壬申實二十有八詹事增言三十太宗顧問近臣曰篤實人也命擇七月丁亥使皇孫行師弟子禮每日先教漢字至申時教女直小字習國朝語頃之世宗詔二人俱克太子侍讀也被眷遇特異金史

王昉從劉秉忠學於紫金山秉忠薦之世祖召見六盤山命爲太子伴讀中統二年擢右贊善時年二十八命太子真金受業焉續弘簡錄

沐定遠辰年二十八歲封黔國公皇明盛事

李文忠二十八歲行省平章編年考

趙得勝世爲農家狀貌魁偉有膂力尤能馬上運槊捷疾如飛人不敢猝近壬辰江淮盜起州縣簡拔梟銳爲義兵奇公勇悍選爲隊長公年甫二十有八帥衆爭先敵人望而畏之宋濂梁國公趙公神道碑

鄧愈明祖取江西以爲行省叅政與常遇春悉平沙坑麻嶺諸寨進兵下取吉安下贛州進江西右丞時年二十八明史列傳稿

丁顯字彥偉博通經史下筆立成年二十八中洪武乙丑狀元弁洲筆記云會試黃子澄第一練子寧次之花綸又次之及廷試讀卷擬花綸第一次子寧次子澄既啓封上自以夢故用丁顯爲狀元子寧如故綸第三三元考

劉璟字仲璟基仲子弱冠咀嚙經傳喜談兵二十八師事石樓子唐勝討葉丁香夾策于璟大破之復命白璟才畧高皇曰眞伯溫子也徵入朝除閣門使書除奸摘佞四字於簡授之袁都御史奏事不法璟當殿以簡擊其項帝曰正當如此由是舉朝畏璟一日至燕文皇與奕璟勝帝

曰先生獨不少讓璟曰臣可讓處則讓臣不可讓處則不敢讓帝默狀靖難兵起仰天大哭兩淚皆血且曰殿下百世後逃不得一個字下獄即夕辭髮自經死劉長史傳

項文曜年二十八爲兵侍楊文忠二十八爲行省平章沐昭靖英爲都督

同知沐定遠晟封黔國公俱年二十八皇明紀畧

韓雍字永熙正統進士才識聰敏嚴明敢爲先巡按江西有聲吏民奏留

重按一年回京復擢僉都巡撫時年二十八姓氏綱目

劉俊字世英寶雞人年二十八中正統乙丑探花俊貴而不驕晝錦日猶

治家人事一日上司遣吏問其與姪時俊方與梓人鋸木吏呼而問其

所在梓人語之吏大驚不事責飾類如此三元考

劉定之字主靜年二十八中正統丙辰會元探花三元考

王守仁年二十八歲舉會試第二人二甲第七人觀政工部先生爲諸生

時夢威寧伯遺以弓劍是秋奉命督造威寧墳馭役夫以什伍法休食

以時暇則驅演八陣圖事竣威寧家謝以金帛不受乃出威寧原所佩

劍以贈適與夢符遂受之年譜

白鉞字秉德南宮人年二十八中北直庚子解元甲辰探花仕至禮部尚書謚文恪三元考

張科字達泉以進士爲中書舍人敗御史與胡宗憲不相下彈抨之遂請致仕時年二十八耳戚黨有與江陵相交厚者絕不一跡其家五十餘年優游林下人莫測其所操云求是堂集

越英字德克性剛方正直平生無戲言情行從叔宦湖南卒家口流落英間闕盡歸之年已二十八矣發憤讀書七年中雲南鄉試任衡陽教諭陞瀘州知州好善嫉惡守正不阿棄官歸家食三十年詩文自娛卒年八十貴州通志

王崧字惟嶽年二十八中弘治壬子山東解元戊辰進士三元考

康海字德涵號對山年二十八中弘治壬戌狀元三元考

張璿字仲齊年二十八中弘治甲子順天解元戊辰進士三元考

胡易字光貞年二十八始讀易卽超朕有悟登弘治進士王恕深器之寧

霍韜字渭先年二十八中正德甲戌會元仕至少保尚書諡文敏三元考

邵銳號端峰年二十八中正統戊辰會元廷試二甲第一授編修同上

李崇貴縣人幼好讀書家貧不能就學每往來鄉塾輒徘徊竊聽久不去

年二十八始得精心肄業卓然名家成化乙酉鄉薦領解廣西通志

孔天胤山西汾州人字汝錫號文谷年二十八中嘉靖丙戌榜眼三元考

張文卿字質夫年二十八中嘉靖甲午陝西解元戊戌進士任諸城縣

尚維持字國相年二十八中嘉靖庚子河南解元辛丑進士仕至提學副

使三元考

馬自強字體乾號乾菴年二十八中嘉靖庚子陝西解元癸丑進士仕至

文淵閣大學士諡文莊三元考

鄧洪震號悔台年二十八中嘉靖壬子廣西解元己未進士歷兵部郎中

三元考

張煥字懋文年二十八中嘉靖戊午山東解元乙丑進士南贛巡撫同上

申時行字汝默號瑤泉年二十八中嘉靖壬戌狀元仕至中極殿大學士

卒年八十諡文定三元考

劉守泰麻城人字交甫年二十八中嘉靖甲子湖廣解元辛未進士三元考

田汝穎號圃泉信陽人年二十八中嘉靖乙卯山東解元己未進士累四

川叅政三元考

陸厥字韓卿工詩精聲韻後因父閑感動而卒年二十八南齊書

袁炳字叔明陳郡陽夏人幼有異才學無不覽文章倣儼清瞻出一時任

心觀書不爲章句之學其篤行則信義惠和意罄如也又撰晉史奇功

未遂不幸官卒年二十有八與余有青雲之交非直啣杯酒而已

江淹

袁友人傳

沈光吳興人驍健善戲馬爲天下最煬帝時應徵從征遼東以衝梯擊城

竿長十五丈光升其端臨城與賊戰殺數十人帝怪異之拜朝散大夫

江都之難力戰死年二十八

湖州府志

王勃字子安通孫也父福時坐勃故左遷交趾令勃往交趾省父渡海溺

水怪而卒年二十八 全唐詩

羅士信死劉黑闥難時年二十八 唐書忠義傳

王令字逢原楊州布衣人也少年有盛名騷極工年二十八卒 類書

危貞昉字孟陽其父孝先進士爲陵川丞坐法謫役浦江貞昉時方爲郡
諸生詣闕上疏請代父勞上從之昉乃解儒衣易短製欣狀就役代質
體羸弱不勝負任之苦越七月病卒時年二十八聞者悲之 鍊鍊

前出南門上南門升父喪上笄之禮以教婦女長發與短髮
武內御宇孟則其父未決葬上欲刻以木生者南齊武帝初刻木為
王今宰蠶氣數亦文人出少平南監谷觀鍾工平二十八卒既書
與上計取隱黑園觀執平二十八以書出兼書
八洲山平平二十八全專特

二十九歲

孔子年二十九歲適晉學鼓琴衆語

顏子年二十九而髮盡白史記

佛以三月十五夜出世二十九出家三十五得道續博物志

閻邱方遠字大方二十九問大丹于香林左元澤澤奇之後師事劉處請學修真出世之術雲笈七籤

漢武帝年二十九乃得太子甚喜少長詔受公羊春秋及冠就宮上爲立博望苑使通賓客從其所好山堂肆考

光武二十九歲卽帝位誅賊討叛歷戰辛苦復興一統每旦視朝日側乃罷數引公卿郎將講論經理皇太子諫曰陛下有禹湯之明而失黃老養性之福願願愛精神帝曰我樂此不爲疲也編年考

崔琰年二十九乃結公孫方等就鄭玄受學三國志

荀彧字文若董卓之亂奔袁紹不能成事乃從曹操操大悅曰吾之子房也每與謀議甚見信時年二十九魏志

摯瞻字景游京兆長安人曾作四郡太守大將軍戶曹叅軍復出作內史
年始二十九嘗別王敦敦謂瞻曰年末三十已爲萬石已太蚤瞻曰方
于將軍已爲太蚤比之耳羅已爲太老世說

謝鯤字幼輿陳智太康人二十九歲雅有風節恬于榮進徜徉山水聊以
卒歲帝問曰論卿以方庾亮何如曰端委朝堂百僚準則鯤不如亮一
邱一壑自謂過之編年考

王洽爲中書令從兄胡之遺書曰弟今年二十九便居清顯要任錦字箋
張克字延符少不拘謹肆意略游父思曼請假還吳始入西郭延符正獵
左手臂鷹右手牽犬遙望見思曼乃放鷹繼犬向丹而拜思曼曰一身
兩役勿乃勞乎延符跪請曰克聞三十而立今二十九矣請至來歲終
身折節思曼曰過而能改乃顏子矣明年咨朕易操纂師就學博覽古
籍世說爲名士

王曇首幼有素尚纂勇智遇事能果決二十九歲爲侍中宋武帝謂文帝
曰曇首輔相才也汝可每事咨之後誅徐羨之及平謝晦皆曇首力也

文帝會燕集欲封曇首功舉酒勸之因撫御床曰此座非卿兄弟無復今日曇首曰臣豈可因國之灾以爲身幸乎陛下雖欲私臣當如直史何世說

王僧綽曇首子二十九歲爲侍中上以東宮劾廢立不定僧綽曰建立之事仰由聖懷臣謂惟宜速斷機事難密不可使難生慮表取咲千載上曰卿可謂能斷大事此事不可不殷勤且庶人始必將謂我無復慈愛之道僧綽曰恐千載之後言陛下惟能裁弟不能裁兒上默狀及劾弑逆江湛在尚書省聞變曰不用王僧綽言至此編年考

孔奮二十九歲守姑臧養母極膳而妻子僅食葱芥或嘲奮曰身處脂膏不能自潤奮不改其操大千生鑑

王儵二十九歲爲僕射秉政編年考

荀羨字令則年二十九爲荊州都督南史

楊逸字遵道有當世才遷秦州刺史時年二十九方伯之少無有先之類

范頴字子真年二十九髮白瞻狀乃伶傷暮詩白髮詠以自嗟南史

何戢字惠景二十九歲爲侍中辭之改授司徒主長史美容儀動止與褚

彥回相慕時人號爲小褚公

編年考

陶弘景年二十九清溪宮新成帝宴樂之先生拜表獻頌又有伏曼容六

人賦時獻賦者五人惟以先生爲最

雲笈七籤

隋煬帝二十九歲詔建進士科後世進士科始于此

編年考

薛仁貴二十九歲征遼班師還上曰朕諸將皆老思得驍勇之將無如卿

者朕不喜得遼惟喜得卿耳

編年考

韓昌黎感高賦愈讀書著文自七歲至今凡二十二年其行己不敢有愧

於道其閒居思念前古當今之故亦僅志其一二

韓昌黎集

李翱復性書曰吾之生二十有九年矣思十九年時如朝日也思九年時

亦如朝日也人之受命長者不過七八九十百年者則歸矣當百年之

時而視乎九年時也與吾此日之思于前也遠追其能大相懸耶其又

能遠於朝日之時耶然則人之生也唯享百年若雷電之驚而激也若

風之飄而旋也可知爾矣况千百人而無一及百年者哉

性理會通

范仲淹二十九歲遷文林郎擢集慶軍節度推官始復范姓其表略名非霸越乘舟乃效陶朱志在投秦入境遂稱張祿

年譜

石介上范中丞書介生二十九年在貧賤寒餒中胷臆鬱鬱不得舒散一旦見聖人龍行雷動于六合之上賢臣躍起雲會耳目如豁聾瞽心意如祛積滯踴躍奮悚不能制其喜以筆寫盡胷中事布之于旌麾下

徐文集

濂溪年二十九南安有囚法不當死轉運使王逵欲深治之無敢相可否者先生獨力爭之不聽則置手板歸取告身委之將去曰如此尚可仕乎殺人以媚君吾不爲也達感悟囚得不死且賢先生薦之于朝

年表

李泰伯與范文正公書云年二十九嘗游京師彷徨而歸又無鄉舉

本集

陳忠肅云元豐乙丑爲禮部典校官與校書范公淳夫同舍公嘗論顏子之不遷不貳惟伯淳有之予問公曰伯淳誰也公默然久之曰不知有程伯淳耶予謝曰生長東南實未知也時予年二十九矣自是以來嘗以寡聞自愧及得明道先生文必剋帶而後讀之

伊洛淵源錄

丁希亮字少蒼生二十九歲始奮志讀書聞葉水心授經往受業焉同舍生謂其年已過訾笑之希亮不爲意口誦手抄卷冊滿屋縱筆所就意雄意確于是奇之

浙江通志

元豐辛酉楊龜山先生年二十九歲授徐州司法以師禮見程明道先生

于頴昌

年譜

錢塘僧思聰七歲善彈琴十二舍琴而學書書既工十五舍書而學詩詩有奇語遂讀華嚴經入法界海慧今年二十有九老師夙儒皆敬愛之

東坡送思聰歸孤山序

宋丞相庠馮樞使京姚秘書穎王叔興昂中狀元年皆二十九

朝野雜記

陳與義字去非示友詩二十九年知已非今年依舊壯心違黃塵滿面人猶去紅葉無言秋又歸萬里天寒鴻雁瘦千村歲暮鳥烏微往來濟濟君應笑要就南池照客衣

簡齋集

易祓字彥章年二十九歲中淳熙乙巳狀元歷禮部尚書封開國男

文敏

公墓志

劉辰翁字會孟景定壬戌年二十九廷試對策忤賈似道置丙第以親老請濂溪書院山長江萬里陳宜中薦居史館宋亡隱居不仕元大德元年卒六十六

須溪集

程夷伯年二十九忽夢父曰汝今年當死可問覺海夷伯蒞一曰有蜀僧寤銓字覺海善相夷伯往問僧曰年果甚促但求一杯水呵氣入內令夷伯飲曰今夜吉夢和報即睡中見一宮府左男婦皆服整喜悅是修橋路之人右帶枷鎖是毀橋路之人夷伯寤遂發心修橋路年九十卒五世昌盛子孫繁衍

類書

先公賂以書經應山西鄉試一往即領薦明年爲洪武十年試南宮授北平元氏縣教諭年二十九矣時建學未久士荒于習先公以身率之薛瑄汾陰阡表

楊榮原名子榮字勉仁年二十九中己卯福建解元庚辰進士第三廷試二甲第一名授庶吉士擢編修

三元考

王珏字孟堅諸暨人年二十九中永樂壬辰探花辛卯鄉試第二會試亦

第二名爲江西提學士心悅服 三元考

苗衷字秉彝定遠人年二十九中永樂己丑榜眼未娶屢典文衡預修實錄正統初楊士奇薦爲經筵講官文術醇正士林推重累至兵部尚書致仕卒年八十諡文康 三元考

羅公近谿二十九歲舉鄉薦卽登進士曰吾學未信未可以仕不就廷試歸而尋師問友建從姑山房以待四方講學之士延楚中胡宗正傅易執弟子禮宗正使息心而深思之謂曰若知伏羲當日從平地著此一畫耶公略爲解說宗正不應徐曰障緣益增本真益昧如是三月乃受易焉嘗苦格物難曉乃錯綜前問互相參訂每有所見則以請正其父笑不爲釋狀久之一夕忽悟直趨父榻前陳之父亦躍然起舞曰得之矣得之矣因回憶往年從師論道徒成畫餅飢飽了無干涉 編年考

柯潛中景泰辛未狀元年二十九 三元考

張溪字伯清壽州人年二十登進士第能詩工草書嘉靖十五年任南安守蒞政明恕會有忌之者溪遂致仕年甫二十九時論高之 南安府志

羅欽順字久升號整庵年二十九中弘治壬子江西解元會試第七廷試
第二名三元考

楊維聰固安人字達甫號大城年二十九中正德己卯順天解元明年狀
元及第三元考

華鑰字德啓號水西年二十九中嘉靖壬午應天解元癸未進士二甲第
一名庶吉士三元考

林東海字世觀莆田人年二十九中嘉靖乙酉福建解元己丑進士同上

趙汧字北京號震洋年二十九中嘉靖應天解元三元考

劉廷臣字伯鄰年二十九中嘉靖丁酉山西解元戊戌進士同上

姚璋字汝玉沅陵人年二十九中嘉靖丁酉湖廣解元戊戌進士授六安
知州三元考

謝登之字汝學巴陵人年二十九中嘉靖庚子湖廣解元丁未進士仕至
都御史三元考

許一德字子恒號吉遷年二十九中嘉靖甲子貴州解元三十中進士累

官至副使致仕三元考

陳謹字德言號環江閩縣人年二十九中嘉靖癸丑狀元累官中允卒謹內明外和見者無不敬而愛之爲文溫潤淳雅三元考

祝尚義號望梅年二十九中嘉靖丙午順天解元戊戌進士鄖陽知府嗣王錫爵字元馭號荆石年二十九中嘉靖壬戌會元榜眼仕至建極殿太學士三元考

田一僑字德甫號鍾台年二十九中隆慶辛未會元仕至禮侍三元考郭喜母少宗伯衡女也課子詩書喜由是勤力于學年二十九爲文江人師郭子章五祀祭田記

李廷機晉江人字汝張號九我年二十九中隆慶庚午順天解元萬曆癸未會元榜眼仕至文淵閣大學士三元考

楊春震字起蟠常習靜獅山大士閣風起燈滅俄見童子執燈至燈復燃視之已失所在今有望童燃燈之謠二十九以恩援入太學陳淳楊李東陽年二十九而有脾病焉其證能食而不能化因節不多食漸節漸

寡幾至廢食 西涯集

張秉成字欽之年二十九始補弟子員試卽高等尤嗜濂洛之學曰此千古聖賢相授精義也餘皆糟粕耳年五十五以諸生貢大廷未對而卒
著有紫朱草龍眠風雅

蔣山卿字子雲年二十九舉進士始與同年薛蕙研工古作 列朝小傳

鄧寧河王愈年二十九爲行省平章馮米國乞勝爲右都督兼詹事項文曜爲兵部侍郎俱年二十九 皇明紀畧

蕭時中陳循柯潛陳謹俱年二十九中狀元姚夔王錫爵陳棟田一雋俱二十九中會元 皇明盛事

劉昌祚字子雲年二十九舉進士始與同年薛蕙研工古作 列朝小傳

荀燦字奉倩叅時年二十九燦簡貴不與常人交接所交皆一時俊傑至塋父赴者千餘人皆同時知名士也哭之感動路人 三國志

韋總字善會聰敏好學位開府儀同三司納言京兆尹周武帝戲總曰卿師尹帝鄉故當不以富貴威福鄉里邪總乃正色對曰陛下擢臣非外

竊謂己鑒愚誠今奉嚴旨便似未照丹赤豈可久忝此職用疑聖慮請解印授以避能帝大笑曰前言戲之耳從武帝東征總每率麾下先驅陷陣并州戰歿年二十九贈河南公諡曰貞萬姓統譜

王勃往交趾省父渡海溺水瘁而卒年二十九唐書

李觀字元實李華從子也貞元中舉進士宏詞連中授校書郎卒年二十九觀善屬文不旁汾前人時與韓愈相上下及觀少夭而愈後文益工議者以觀文未極愈老不休故卒擅名唐書

咎恕字子推三原人讀書能悟人所不到處厭科舉之學慨然有求道之志嘗衣冠危坐整心飭行悉由道義人咸敬服庶幾立矣年二十九卒所著有敬齋集類書

曾鳳詔廬陵人洪武進士革除間爲監察御史靖難師起議遣使致書請罷兵歸國無敢行者公獨請行至軍前不納公取竹通節入書鼓風達之亦不報文皇繼統嘉其直以御史召不赴尋加侍郎召又不赴乃刺血書憤詞于襟畧曰予生長廬陵忠節之鄉素負骨鯁之強讀書而登

進士第仕宦而至繡衣郎慨一歎之得宜可以含笑于地下而不愧吾
天祥囑妻李氏子公望勿易衣遂自殺時年二十九李氏亦死節錄遺

卷之五十四 雜著

二十餘歲

終軍願受長纓以羈南越王頭以致闕下時年二十餘人謂之終童黼黻

陳咸字仲年二十餘爲御史中丞

漢書

賈誼年二十餘文帝召爲博士每詔令議下老先生未之言誼爲之對人

人各如其意所出

史記

班彪字叔皮性沉重好古年二十餘三輔亂隗囂擁衆天水彪乃避難從之

後漢書

仲長統字公理高平人少好學博涉書記瞻于文詞年二十餘游學于青

徐并異之間與交友者多異之

後漢書

宋均字叔庠二十餘調辰陽長其俗少學者而聽巫鬼故爲立學校禁絕

淫祠祀人皆安之

後漢書

孫賓碩名嵩北海人年二十餘乘犢車將騎入市時趙岐避唐衡禍去北海變姓名市中販胡餅賓碩見岐疑其非常人也問之曰處士之望似非賣胡餅者殆有故乃開車後戶顧所將兩騎令下馬扶上之岐疑怖

賓碩開車後戶下前檐謂之曰我北海孫賓碩也闔門百口勢能相度終不相負必語我以實岐告之載歸白母著別舍複壁中後數載衡死岐出展轉至刺史大僕而賓碩亦從此顯名

魏書

焦先字孝肱河東人平末白波賊起時先年二十餘與同郡侯武陽相隨關中大亂先失家屬獨竄于江渚間食艸飲水無衣履自作一瓜牛廬掃其中營木爲床布草蓐其上天寒時篝火以同炙呻吟獨語

三國志

劉曄年二十餘會郡鄭寶許乾張多之屬各擁部曲欲越江表欲強逼曄曄心憂之會太祖遣使至州有所案問曄往見駐止數日寶果從數百人牛酒來候使曄計殺寶斬其首以令其軍云曹公有令敢有動者與寶同罪衆皆驚怖去還營曄復奔還撫慰安懷咸悉悅服

同上

廖立字公淵武陵人先主領荊州牧辟爲從事年未三十擢爲長沙太守亮曰龐統廖立楚之良才當贊興世業者也

三國志

潘璋年未三十荊州牧劉表辟爲部江夏從事後爲湘鄉令治甚有名蜀劉封者本寇氏子劉備至荊州未有繼嗣登爲已子攻劉璋時封年二十

餘有武藝氣力過人將兵與諸葛亮張飛等沂流而上所在戰克三國志
楊戲字文默少與程神楊汰張伯達並知名戲每推神以爲冠首丞相亮
深識之戲年二十餘從州書佐爲督軍從事職典刑獄論法決疑號爲
平當三國志

華表字偉宏高唐人歆子年二十餘爲散騎常侍同僚諸郎共平尚書事
年少並兼厲銳尚書事至或遺漏不視惟表不然事來有不便輒與尚
書共論盡其意主者固執不得已然後共奏議司空陳泰等以此稱之
華嶠譜序

神嘉字孔賓酒泉人少清貧好學年二十餘夜忽牕中有聲呼曰神孔賓
神孔賓隱去來隱去來修飾人世甚苦不可諧所得未毛錐所喪如邱
崖巨而逃去西至敦煌依學宮誦書貧無衣食爲諸生都養以自給遂
博通經傳精究大義教授門生百餘人在朝卿士郡縣守令彭和正等
受業獨拜床下者二千餘人張天錫謂爲先生而不名之晉書

嚴幹字公仲李義字孝懿皆馬翊東縣人也性皆重厚當中平末同年二

十餘歲幹好擊劍義好辨獲喪事桓甲吉郭以其名有崇實共紀識之
晉諸公贊

石崇早有志慧年二十餘爲修武令有能名誠諫緒又輿志載季倫小
字齊奴弱冠以伐吳功封安陽侯累遷刺史

山簡字季倫濤子性溫雅有父風年二十餘濤不之知也簡嘆曰年幾三
十而不爲家父所知由吏部尚書領都督出鎮楚晉書

郗超年二十餘得重疾令杜不愆卜之不愆曰宜于東北三十里占宮姓

家索其所養雄雉籠盛至東簷下却後九日景午日午時必有雌雉飛

來與交既而隻去若如此不出二十日病都除年將八十位極人臣若

但雌遊雄留病一周方瘥年半八十名位亦失超正羸篤慮命在旦夕

笑曰若保八十之半便有餘矣依言索雉至景午日晏果有雌雉飛入

籠與雄雉交而去雄不動超病彌年乃起至四十卒于中書晉書方

習鑿齒史才不常武宣甚器之年未三十宣武便用爲荊州治中其謝箋

曰不遇明公荊州一從事焉耳世說

汲桑年二十餘力能扛百鈞呼聞數里時人服之事成都王司馬穎頽死

桑載穎棺于軍每事啓而後行

十六國春秋

王敬則年二十餘善拍張補刀戟左右景和使敬則跳刀高與白虎幢等如此五六接無不中補俠轂隊主領細鎧左右與壽寂之同斃景和明帝卽位以爲直閣將軍敬則于少時草中射獵有虫如鳥豆集其身摘去乃脫其處皆流血敬則惡之詣道士士曰不須憂此封侯之瑞也敬則聞之喜

南齊書

王融字元長自恃人地三十內望爲公輔直中書省嘆曰作此寂寂使

鄧禹笑人

世說

顧歡字景怡母老躬耕誦書夜則燃糠自照顧顗之臨縣見而異之遣諸子與游歡年二十餘更從雷次宗諮立儒諸義母亡水漿不入口六七

日廬于墓次遂隱遁不仕

南齊書

封嵩仕南燕慕容德爲尚書左僕射又以韓諱爲尚書右僕射時嵩諱年俱未三十又以嵩弟融爲西中郎將諱弟軌爲北中郎將嵩等俱拜德

臨軒詔令四人同入嵩等至殿方謝德曰擢二龍于長途騁雙驥于千里朝野榮之十六國春秋

王儉一見蕭衍謂何憲曰蕭郎三十內當作侍中出此則貴不可言南史
陶弘景年二十餘服道後就興世館拜先生諮稟經法精行道要通幽洞
微轉奉朝請乃拜表解職譽詔優崇賜與甚厚雲笈七籤

僧萬同年二十餘貌痴不語其兄成遼陽音問久絕或傳其死其家爲作
齋萬回忽卷餅茹大言曰兄在我將饋之出門如飛馬馳不及及暮而
還得其兄書緘封猶濕計往還一日萬回因號焉酉陽雜俎

陸琰字溫玉博學善占對陳文帝引至左右使製刀銘授筆卽成無所點
竄帝嗟賞之賜衣一襲聘齊時年二十餘風神韶亮占對閒敏齊士大
夫甚傾心焉蘇州府志

王通年未三十做了聖人許多事業南史

侯涉木強人也王銓事雷德驤詣部求官擬寧州司理叅軍曰官人未三十不可典獄以筆勾追畫墁錄

歐陽詢潭州人唐太宗時歷太子率更令有一帖云年二十餘至鄱陽喜風土之美僑寓甚久一統志

姚崇初不悅學年逾弱冠常過所親見修文殿御覽閱之喜遂耽玩墳典由是知名大唐新語

岑參送張獻心副使河西將門子弟君獨賢一從受命常在邊末年三十已高位腰間金印色赭狀昨日承恩白鵠歸來見者誰不羨箇中賜衣十重餘案上軍書十二卷看君謀智若有神愛君詞句皆清新岑嘉

陸龜蒙送豆盧處士謁宋丞相序丞相未升甲科時年才出弱冠龜蒙幸參游中以兄事之許與膠固形于咏歌及丞相爲朝鉅儒居侍從之列龜蒙江湖遘病不能起一耒而耕一船而漁未嘗干諸侯故沒沒狀無一人道者今丞相方築太平之基丈人乘間宴語幽仄試丞相意復念以小謝城北秋霖聲高中夜對榻有苦吟生耶陸龜蒙集

高仙芝父舍雞爲四鎮校將芝年二十餘從父至安西以功補游擊將軍數年父子並班唐書

李萼年二十餘客清河乞師于顏真卿命李擇交等將其兵會清河博平兵五千人軍于堂邑祿山所署魏郡太守袁知泰大敗遂克魏郡軍聲大振

細鑑

敬亭山下百頃竹中有詩人小謝城城高跨樓蒲金碧下聽一溪寒水聲梅花未落香繚繞雪白玉璫花下行縈風酒旗掛珠閣半醉遊人聞弄笙我初到此未三十頭老鈇利筋骨輕畫堂檀板秋拍碎一飲有時聯十觥

杜牧之詩集

竇侍御驥之子鳳之雛年未三十忠義俱骨鯁絕代無烟如一段清水出萬壑置在迎風寒露之玉壺燕漿歸厨金盃凍洗滌煩熱足以寧君軀

杜少陵詩

白居易讀楊弘貞詩賦句詩章妙入神末年三十即無身常嗟薄命形悴

樵若比弘貞是幸人

長慶集

韋執誼進士對策高等才遷拾遺年二十餘入翰林順宗實錄寒山詩可憐好丈夫身體極稜稜春秋未三十才藝百般能

駢字類編

李長吉南園詩三十未有二十餘白日長饑小甲蔬橋頭長老相哀念因
遺戎韜一卷書又榮華樂鳶肩公子二十餘齒編貝唇微朱氣如虹
霓飲如建瓴走馬夜歸叫嚴更昌谷集

李長吉勉愛行維爾之昆二十餘年來持鏡頗有鬚辭家三載今如此索
米王門一事無荒溝古水光如刀庭南拱桺生螭螭長吉集

李涉酬彭伉詩公孫閣裡見君初衣錦南歸二十餘莫歎屈聲猶未展同
年今日在中書全唐詩

趙璟爲入番副使既行謂二張判官曰前幾里合有河河邊木下合有一
官着驢立既而果狀二張問何以知之趙曰某年三十前已夢此行亦
不更怨時相也山堂肆考

楊大年與梁瀚朱昂同在禁掖大年未三十而二公皆高年矣大年呼爲
梁翁朱翁每戲侮之一日梁謂大年曰這老亦待留以與君朱于后搖
手曰不要與衆皆笑其敏雖一時戲言而大年果不五十而卒元懷拊
王禹偁送朱九齡詩自有綵衣華勿嘆藍袍綠年行未三十氣壯顏如玉

行義日以聞焉能長碌碌終列侍臣班耀我同年錄且作白華詩唱作
離筵曲小畜集

黨侯年二十餘從軍在軍三十年常以不欺立名節及爲州奉身潔清不
取秋毫爲吏無日不勤曰不如是不足以報國省閱訟獄事如毫髮許
不當終不快謂不如是民不得其所事山谷文集

阮漢聞字太冲年二十餘附注渡遼從退弁老卒訪問金遼利病慨狀有
詩纓鳴劍之志會東事解嚴挾策而返列朝小傳

周諤九溪人字希聖宋熙豐間知廣之新會不肯奉行新法有寄子弟詩
浪有詩名落世間自慙無實骨毛寒末年三十身先倦纔得一官心已
闌卜宅擬尋栽藥圃買田宜近釣魚灘他年子弟重相見犁杖蓑衣簪
籜冠其風致可想也一時門人稱周夫子註孟子解義禮記說饒山

歐陽修謝王尚書惠牡丹憶昔進士初登科始事相公治吏牒河南官屬
盡賢後洛城池禦相連接我時年才二十餘每列花間如蛺蝶姚黃魏
紫腰帶鞢潑墨齋頭藏綠葉歐集

高長官以明經中御前第釋褐服職崎嶇州縣今將三十矣智不適川僅

効一官孤格自持粗懷廉節

徂徠文集

伊川生有妙質聞道甚早逾冠張子厚友而師之

游酢伊川先生贊

陳傳良字君舉瑞安人年未三十文名擅天下讀書仙巖學者景從入太

學與張栻呂祖謙善乾道壬辰對策擬第一不果調奉州教授

浙江通志

張孝祥張祁子也紹興甲戌親擢進士第一忤秦檜出知撫州年未三十

泣事精確孝宗卽位復集英殿修撰進顯謨閣學士

鄞縣志

楊時冬寒忽覺兩齒動搖因成書懷末年三十髮先凋歲晚俄驚兩齒搖

都爲慵踈成計拙直緣衰病覺形焦連經宿雨重衾冷旋煮藜羹野興

饒擺脫塵凡猶未得不堪回首問漁樵

楊龜山全集

周恭叔自太學早年登科未三十見伊川持身嚴苦塊坐一室未嘗窺牖

幼議母黨之女登科後其女雙瞽周遂娶爲室愛過常人伊川曰願未

三十時亦做不得此事

淵源錄

李郁字光祖邵武人幼不好弄坐立必莊踰冠從龜山先生學一見奇之

因妻以女游太學見聞日廣陳淵謂光祖學出龜山口目俱到未見其
比可於古人中求之延平府志

羅傳文字宗禮嘉泰進士從李延平學年未三十屏遠聲色一榻蕭然大
爲朱熹所敬信後爲狀其行并輓以詩延平府志

光曩者年二十餘相公在樞府時始令學倂四六文字供給箋奏雖承命
不敢不勉而終以愚陋不能進益司馬光上龐相公書

劉勉之字敬仲踰冠以貢舉入太學時禁元祐書獨與胡元仲陰購程氏
遺文旦夕誦誦武夷山志

朱熹與陳君舉書先人自少豪爽出語驚人踰冠中第更折節讀書慕爲
賈誼陸贄之學久之又從龜山楊氏門人問道受業踐修愈篤朱子集

朱子李參仲行狀跋紹興庚子歲余年二十餘始得一歸故鄉拜其墓墳
宗族相黨于是乃獲識公而聽其餘論心固已知其賢狀是少年新學

未能有以扣也本集

黃中字通老踰冠入太學會京城失守僞楚僭號公卽日出居于外旣而

邦昌果遣學官致偽詔藥物勞問諸生公以前出故獨無所污朱子全集
程迥字可久孤貧飄泊年二十餘始讀書受經學于崑山王葆舉隆興進
士終進賢令所至皆著異績著書百餘卷人稱沙隨先生朱熹稱其博
學至行追配古人釋經訂史開悟後學當世之務又所通該著述滿家
足以傳世朱子全集

陸放翁天王廣教院在戢山東麓予年二十餘始與老僧惠迪遊略無十
日不到也淳熙甲辰觀潮海上曳杖再游恍如隔世矣劍南詩鈔

歐陽守道字公權少力于學里人聘爲子弟師主人瞰其每食舍肉密歸
遺母爲設二噐馳送乃肯肉食年未三十翁狀以德行爲鄉里儒宗文
文山鄧中義劉會孟皆出其門文山嘗言先生之學如布帛菽粟有益
于世用不爲高談虛語以自標置西江志

前輩與執政書亦猶字之今人年未三十舉于禮部則鄉先生不敢字之
且曰張丈李丈矣嗚呼其亦薄矣夫洪景廬跋許狀元帖

陳造字唐卿年踰二十直院崔大雅奇其才勸以求仕登淳熙進士范成

大尤愛其文尤哀讀其騷詞語人曰吾自是得師矣知定海有最績時人稱淮南夫子晚自號江湖長翁

蘇州府志

謝堂字升道天台人深甫曾孫年踰弱冠除直寶章閣刺平江憲使驟以

獄事屬之有一案而直八十餘家者歷樞密副使

天台縣志

木華佐元大定天下功冠羣臣其孫安童年二十餘爲世祖相孫弭住爲英宗相皆以忠勤正大爲一代之名臣東平其世封也弭住爲相奉命立安童碑于范陽

穀城山房筆塵

馬祖常送宋顯夫南歸琵琶溝北識君初藉甚才華二十餘欲賦兔園干孝邸不因狗監進相如瀟湘路熟逢知己韋杜天低望故居携幼歸來

弭邱隴南游莫戀武昌魚

元詩永

元問好征西壯士謠三十未有二十強手內蛇矛丈八長總爲官家金印

大不怕一拖向沙場捉去賀蘭山下賊金鞍繡帽好還鄉

遺山集

馮子振在揚州嘗作漢壽亭侯祠碑起語欲壯健久未下筆蘓昌齡年二十餘代起云大丈夫忠憤不啻于尺寸而廟食磅礴于九州功名不啻

於須臾而義烈感激於千古馮大喜遂用之故揚州三絕碑蘇昌齡起
句馮子振脫草子昂書記寶祐志

林伯恭博極群經而尤長于春秋常應試鄉闈寶冠多士伯恭年二十餘
一旦名動海內厥後學益加修遂擢至正進士歷任省憲二府正色直

言百千畏懾

宋學士集

陳泰字志同茶陵人將離京師贈李朝端陳伯奎二同年陳生射策未三
十筆箭如鋒石破的自古英雄感慨多直比梟盧懸一擲吾州二放真
豪放白壁明珠迴相望蜚英已邁時輩先通籍還兼伯兄行霜蹄歷塊
千里空鳳采承恩九天上新安遺集

臨川吳公之講學無間于出處學者及其門南北常數十人既老就養郡
庠郡之子弟無不得見焉李伯宗得見公時年將三十未一年而公沒
集之歸至斯郡也已不復見公庶及閒暇有所質問焉則已無及矣此
伯宗之見予而深嘆之者也虞集送李伯宗序

鄭韶送廣德程萬戶從軍桓桓程將軍年未三十氣如雲一朝詣闕襲父

職獻書討賊爭功勛朝廷恩深禮數厚授鉞前驅那敢後雲鳥天青沒
畫旗轅門月裡鳴刁斗雲台集

甘泳字中夫一字詠之性剛正不與時俛仰平生不娶效林和靖讀書不
拘繩尺尤工于詩年二十餘浪跡東南受知于徐徑畋楊東澗出嶺雜
言一首一千二百字隨事起義隨義鍊句古今大篇未或過之東漢集
葉娃字季鼎麗水人年逾弱冠始習舉業博洽經史門壁皆書格言後以
貢任淮安陞豐縣處州府志

高啓字季迪至正中張氏開藩平江承制以淮南行省叅政饒介爲咨議
叅軍事啓年二十餘介覽其詩驚異以爲上客季迪謝去隱吳江之青
邱自號青邱子列朝小傳

漢中王生年二十餘調爲寧海閬市吏其容凝狀其氣克狀其守甚確而
志不凡供職之暇輒袖古書從人講說乎仁義道德之旨而深求之若
不見所處之陋者遜志齋集

寧海李宗魯年二十餘奇傑有偉志入太學貧不能自給人不見其困容

予知其富貴也去年釋布褐拜監察御史其容如在太學遜志齋集

浦陽黃君仲昭年二十餘好學而警敏嘗以尚友名其齋遜志齋集

方孝孺蘇太史文集序某年二十餘游金華見太史蘓公之文知公爲東

坡諸孫嘆曰得蘓子之意者在是矣又白鹿子文集序予年二十餘

嘗從太史公謁白鹿子于家聽其言論悚然敬異而白鹿子見余甚喜

以古之君子見望又叅議鄭公墓表孝孺昔年二十餘從太史講學

青蘿山數至公家拜其長老于堂上追而從公遊與公諸子姪相與論

難甚樂也遜志齋集

金德潤字君澤少有大志不屑事耕耨視其掌曰吾掌腴且厚如此肯浮

沉田間乎年二十餘遠游湖南入憲府學書獄宋文憲公集

葉伯巨字居升好讀書年二十餘有名于鄉黨選縣學弟子員方正學葉伯巨傳

彭璉字汝器永樂進士授修撰時年二十餘學問文章已冠時輩石溪集

都御史韓公永熙弱冠時爲御史江西巡按吏事精敏一道礪服年向三

十已爲都御史揚循吉吳中往哲記

都御史謝公綬謂其子琪曰予少無師友學不得其方汨歿于聲利支離

于糠粃者蓋以之年幾三十始盡棄舉子業從吳聘君游朕後益嘆逃

途其未遠覺今是而昨非

陳憲章龍閣書院記

鄒智字若愚逾冠領成化丙午鄉薦第一人

類書

鮑侯弱襲父官壯而立焉一擢而僉都指揮再擢而鎮淮汝三擢而掌司

印年未三十也

李崆峒集

歐陽鐸字崇道踰冠成進士巡撫應天鐸所為惠政于十郡非一面獨于

蘓著謚恭簡

蘓州府志

王三接字汝康幼與兄三錫齊名三錫己丑進士守光州年未三十謝政

三接聯捷授長恒令治最有聲

蘓州府志

朱瑞登字禾仲嘉靖中年逾弱冠舉于鄉越歲成進士令桐城上司屢獎

為他邑勸行取擢御史

寧海縣志

郭鈺題鄒茂材讀書處鄒君昂昂二十餘世味不好好讀書今年新作讀

書處青山白雲閉畫圖

靜思詩集

朱應登字升之寶應人二十餘舉進士爲戶部郎出守延平久之擢陝西

提學副使雲南左叅政罷歸

王世貞明詩評

憶年二十餘走馬向燕旬縉紳不識憂朝野會清宴嗜酒見天真懷子獨

抱腕

李陸峒集

陸師道字子傳弱冠舉嘉靖辛卯鄉試戊戌成進士太傅李時閱其卷賞

之稱其文章董賈筆法鍾王已擬第一而首揆欲識之使人邀至弗往

置二甲授都水司主事首揆必欲羅致門下師道弗屑以母老乞歸時

年未三十也母終遷尚寶卿仕宦四十年居官不滿一考鬻居赴關歸

遂無一椽著有五湖集

蕪州府志

何如寵字康侯桐城人萬曆乙未進士授編修年甫二十餘夙度端凝爲

一時中秘之冠累官至武英殿大學士爲相以培元氣達大體爲務卒

贈謚文端

安慶府志

陳繼儒字仲醇年未三十取儒衣冠焚棄之與徐生益孫結隱于小崑山

列朝小傳

潘一桂字木公年未三十有賦數十篇卜居京口覽江山之勝列朝小傳

唐時升字叔達少有異才未三十謝去舉子業讀書汲古通達世務謝三

賓爲嘉定令合程孟陽婁子柔李長蘅詩文刻之曰嘉定四先生集上

柯夏卿授秋曹主事多所平反調樞曹職方司年未三十歷練老成楊閣

部嗣昌叙贊畫功寵錫金幣黃岩縣志

孫臨字克威生日自刺詩予年二十餘學步還匍匐游好是陰符所鄙是

文墨馬背逞强弓弓開一石力願學傳介子棄繻不可得欲同班仲升

龜前莫能克所以娛美人晨飲至天黑龍眠風雅

蔡道憲字江門晉江人崇禎丁未進士年二十餘授長沙推官流寇襲荆

州鎮臣率兵擁惠王走長沙長沙亂公以一身經理支撐其間公與鎮

臣尹先民誓衆守城躬自出釜餽出果食兵賊至尹降賊公出督戰不

能支城陷二鎮降公被執大罵被磔死贈太僕寺少卿謚忠烈忠烈集

張溥字天如日夜讀經史諸書年二十餘聲聞藉甚交一時名賢老爲大

儒蘇州府志

王延壽字文考京城人侍中逸之子總角時入魯賦靈光殿蔡邕一見大
奇之遂焚己賦延壽常感異夢賦以自勵年二十餘溺死後漢書
王禕字文邵小字僧思述次子少知名尚潯陽公主仕至中書郎未三十
而卒世說

